

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### OGASUN, FINANTZA ETA AURREKONTU SAILA

**Foru Gobernu Kontseiluaren 4/2021 Zerga premiazko araugintzako dekretua, ekainaren 8koa. Onestea honako hauen transposizioa: batetik, Kontseiluaren 2017ko abenduaren 5eko 2017/2455 (EB) Zuzentaraua, zeinak aldatzen baititu 2006/112/EE Zuzentaraua eta 2009/132/EE Zuzentaraua, zerbitzuak emateko eta ondasunak urrutitik saltzeko balio erantsiaren gaineko zergari buruzko zenbait obligaziori dagokienez, eta, bestetik, Kontseiluaren 2019ko azaroaren 21eko 2019/1995 (EB) Zuzentaraua, zeinak aldatzen baitu 2006/112/EE Zuzentaraua, ondasunen urrutiko salmentei eta zenbait ondasun emate nazional buruzko xedapenei dagokienez**

Ekonomia Itunak 26. artikuluan ezartzen du balio erantsiaren gaineko zergari Estatuak aldi bakoitzean xedatzen dituen funtsezko arau substantibo eta formal berak aplikatuko zaizkiola, salbuespen batzuekin.

Zerga premiazko araugintzako dekretu honek apirilaren 27ko 7/2021 Errege Lege Dekretuaren V. tituluan eta lehenengo xedapen gehigarrian xedatzen duena egokitzen du (errege lege-dekretu horren bidez Europar Batasuneko balio erantsiaren gaineko zergaren inguruko zuzentarau batzuen transposizioa egiten da, honako arlo hauetan: lehia, kapital zuriketari aurea hartzea, kreditu entitateak, telekomunikazioak, zerga neurriak, ingurumen kalteen prebentzioa eta konponketa, langileak nazioz gairikozko zerbitzuetan lekualdatzea eta kontsumitzaileen defentsa).

Hain zuzen ere, Kontseiluaren 2017ko abenduaren 5eko 2017/2455 (EB) Zuzentaruaren transposizioaren ondoriozko aldaketak egiten ditu (zuzentarau honek 2006/112/EE Zuzentaraua eta 2009/132/EE Zuzentaraua aldatzen ditu, zerbitzuak emateko eta ondasunak urrutitik saltzeko balio erantsiaren gaineko zergari buruzko zenbait obligaziori dagokienez), bai eta Kontseiluaren 2019/1995 (EB) Zuzentaruaren ondoriozkoak ere (honek 2019ko azaroaren 21eko 2006/112/EE Zuzentaraua aldatzen du, ondasunen urrutiko salmentei eta zenbait ondasun emate nazional buruzko xedapenei dagokienez).

Zuzentarau horiek txertatuta, merkataritza elektronikoari aplikatzen zaion balio erantsiaren gaineko zergaren tratamenduaren erregulazioa amaitzen da eta arautzen da nola kargatuko diren azken kontsumitzaileek internetez edo beste baliabide elektroniko batzuekin kontratatu ondoren enpresaburuek edo profesionalek Batasuneko beste estatu batetik edo hirugarren herrialde edo lurralde batetik egiten dituzten ondasun emateak eta zerbitzuak. Eragiketa hauek balio erantsiaren gaineko zergak kargatzen ditu salgaia heltzen den edo hartzailearen egoitza dagoen Batasuneko estatuan. Beraz, zuzentarau horiek orokortu egiten dute mugaz gairikozko eragiketetan balio erantsiaren gaineko zergaren karga xedean ezartzeko printzipioa.

Beste alde batetik, merkataritza elektronikoan, balio erantsiaren gaineko zergaren kudeaketaren oinarria leihatila bakarraren araubide bereziak zabaltzea da; izan ere, hemendik aurrera horixe izango da Batasunaren barruko eragiketa hauek jasaten duten balio erantsiaren gaineko zerga kudeatzeko eta biltzeko prozedura.

Merkataritza elektronikoaren kargatzen duen balio erantsiaren gaineko zergaren tratamenduaren erregulazio berrian merkataritza hori bideratzen duten interfaze digitalen titularrak ere kontuan izan dira, lehenengoz, eta zerga biltzen, kudeatzen eta kontrolatzen lagunduko dute.

Horrez gainera, 2021eko abenduaren 31ra arte luzatzen da balio erantsiaren gaineko zergaren ehuneko zero tasaren aplikazioa COVID-19ari aurre egiteko osasun materialaren Batasunaren barruko emateetan, inportazioetan eta erosketetan, baldin eta hartzailea 2021eko

apirilaren 30ean amaitzen zen erakunde publikoa, irabazteko xederik gabeko entitatea edo ospitale zentroa bada, COVID-19ak eragindako pandemiaren ondorioak arintzeko 2021eko zerga neurriak onartzen dituen abenduaren 1eko 14/2020 Zerga Premiazko Araugintzako Dekretuak 23. artikuluan ezartzen duenarekin bat etorriz. Horrenbestez, tasa horren indarraldia luzatzen da osasun sistema pandemia kontrolatzeko gauza izango dela bermatzeko.

Zerga premiazko araugintzako dekretu honetan bildutako zergen arloko neurriek presazko bide hori erabiltzea eskatzen dute, berehala izan ditzaten ondorioak, eta Batzar Nagusiei haien edukia berri emango zaie, berrets ditzaten.

Zerga Araudiaren Zerbitzuak horri buruz emandako txostena aztertu da.

Horren ondorioz, Ogasun, Finantza eta Aurrekontu Saileko diputatuak proposatuta eta Diputatuen Kontseiluak gaur egin duen bileran gaia aztertu ondoren, otsailaren 28ko 6/2005 Foru Arau Orokorrak, Arabako zergenak, 8. artikuluan eta abenduaren 18ko 52/1992 Foru Arauak, Arabako Foru Aldundiaren antolaketa, funtzionamendu eta araubide juridikoarenak, ematen dizkidan eskumenez baliatuz, presako arrazoiak direla eta, hauxe

#### XEDATZEN DUT

#### **1. artikulua. Balio erantsiaren gaineko zergaren urtarrilaren 19ko 12/1993 Araugintzako Foru Dekretuaren aldaketa**

Balio erantsiaren gaineko zergaren urtarrilaren 19ko 12/1993 Araugintzako Foru Dekretua, balio erantsiaren gaineko zergarena, aldatzen da; hona aldaketak:

Bat. 8. artikuluari apartatu bat gehitzen zaio, hirugarrena; hona testua:

“Hiru. Arau honen ondorioetarako, definizio hauek finkatu dira:

1. “Batasunaren barruko urruneko ondasun salmenta”: saltzaile batek ondasun bat zuzenean zein zeharka, edo bere kontura, Batasuneko estatu batetik beste batera bidaltzen edo garraiatzen duenean gertatzen den ondasun ematea, honako hauek gertatuz gero:

a) Ondasunaren hartzaillearen Batasunaren barruko eskuraketak ez egotea zergaren kargapean arau honen 14. artikuluan edo ondasuna heltzen den Batasuneko estatuan aplikatzen den xedapen baliokidean xedatzen denaren arabera edo hartzaillea ez izatea enpresaburua ez profesionala, hala jarduten duena.

b) Ematen den ondasuna ez izatea jarraian azaltzen direnetako bat:

a') Garraibide berria (arau honen 13.2 artikuluan zehazten dira).

b') Arau honen 68. Bi.2 artikuluan aipatzen diren instalatzeko edo muntatzeko ondasunetako bat.

2. “Hirugarren herrialde edo lurralde batetik inportatutako ondasunaren urruneko salmenta”: saltzaile batek ondasun bat zuzenean zein zeharka, edo bere kontura, Batasunetik kanpoko herrialde edo lurralde batetik Batasuneko estatu batera bidaltzen edo garraiatzen duenean gertatzen den ondasun ematea, honako hauek gertatuz gero:

a) Ondasunaren hartzaillearen Batasunaren barruko eskuraketak ez egotea zergaren kargapean arau honen 14. artikuluan edo ondasuna heltzen den Batasuneko estatuan aplikatzen den xedapen baliokidean xedatzen denaren arabera edo hartzaillea ez izatea enpresaburua ez profesionala, hala jarduten duena.

b) Ematen den ondasuna ez izatea jarraian azaltzen direnetako bat:

a') Garraibide berria (arau honen 13.2 artikuluan zehazten dira).

b') Arau honen 68. Bi.2 artikuluan aipatzen diren instalatzeko edo muntatzeko ondasunetako bat.”

Bi. 8 bis artikulua gehitzen da; hona testua:

**“8 bis artikulua. Interfaze digitalen bidez egiten diren ondasun emateak**

Enpresaburu edo profesional batek interfaze digital baten bidez (lineako merkatua, plataforma, ataria edo antzekoren bat) honako bat bideratzen duenean:

a) Hirugarren herrialde edo lurralde batetik inportatuko ondasun baten urruneko salmenta, balio intrinsekoa 150 eurotik gorakoa ez bada.

b) Egoitza Batasunean ez daukan enpresaburu edo profesional batek ondasun bat ematea ez enpresaburu edo profesional ez den pertsona bati (hala jarduten duena). Bi kasu horietan ulertuko da interfaze digitalaren titularra den enpresaburuak edo profesionalak ondasuna jaso duela eta bere kabuz bidali duela eta bidalketa edo garraioa egindako salmentarekin lotuta dagoela.

Arau honetan ezartzen denaren ondorioetarako, ondasunaren balio intrinsekoa aduana-legerian ezartzen denarekin bat etorritz zehaztuko da.”

Hiru. 9. artikuluko 3. zenbakiko h) letra aldatzen da eta honela geratzen da:

“h) Gasa ematea Batasuneko lurralde eremuko gas naturala banatzeko sare baten bitartez, edo hari konektatutako sare baten bitartez, elektrizitatea ematea, eta beroa edo hotza ematea berokuntza edo hozketa sareen bitartez, baldin eta emateok arau honetako 68. Sei artikuluan ezarritako irizpideen arabera Batasuneko kide den beste estatu batean gertatutzat joko balira.”

Lau. 13. artikuluko 1. zenbakiko d) eta g) letrak aldatzen dira eta honela gelditzen dira:

“d) Arau honen 68. Hiru.a) artikuluan aipatzen diren urruneko salmentei dagozkien ondasun eskuratzeak.”

“g) Honako hauei dagozkien ondasun eskuraketak: arau honetako 68. Sei artikuluan ezarritakoarekin bat etorritz zergaren aplikazio eremuan gertatzen diren gas emateak, Batasuneko lurralde eremuko gas naturala banatzeko sare baten bitartez edo hari konektatutako sare baten bitartez egiten direnak, elektrizitate emateak eta bero edo hotz emateak, berokuntza edo hozketa sareen bitartez egiten direnak.”

Bost. 14. artikuluko bigarren apartatua aldatzen da eta honela geratzen da:

“Bi. Aurreko paragrafoan ezarritakoaren arabera kargapean ez egotea aipatutako pertsonen ondasunak Batasunean bertan erosten dituztenean baino ez da aplikatuko, baldin eta gainerako estatuetan egindako erosketen zenbateko osoa, estatu horietan ordaindutako zerga kenduta, 10.000 eurora iritsi ez bada aurreko urte naturalean.

Zergaren kargapean ez egotea aipatu zenbatekora iritsi arte aplikatuko da aribideko egutegiko urtean.

Apartatu honetan aipatzen den muga aplikatzean kontuan eduki behar da eskuratzen diren ondasunen kontraprestazioaren zenbatekoa ezin dela zatikatu ondorio hauetarako.

Apartatu honetan adierazten den muga kalkulatzeko, arau honen 8. Hiru.1 artikuluan aipatzen diren ondasun-emateen kontraprestazioaren zenbatekoa konputatuko da, baldin eta arau honen 68. artikuluko arauak aplikatuz zergaren aplikazio-lurraldetik kanpo egintzat jotzen badira.”

Sei. 20 bis artikulua berria gehitzen da; hona testua:

**“20 bis artikulua. Interfaze digitalen bidez egiten diren ondasun emateen salbuespena**

Arau honen 8 bis.b) artikuluan arautzen den kasuan, zergaren kargatik salbuetsita daude ondasun ematea interfaze digitalaren bitartez bideratzen duen enpresaburuaren edo profesionalaren alde egiten diren ondasun emateak, ematea zergaren aplikazio lurraldean egintzat joz gero.”

Zazpi. 34. artikulua ezabatzen da.

Zortzi. 66. artikuluari beste zenbaki bat gehitzen zaio, laugarrena; hona hemen testua:

“4. Ondasun inportazioak, baldin eta balio erantsiaren gaineko zerga aitortu behar bada arau honen IX. tituluaren XI. kapituluaren 4. atalean arautzen den araubide bereziaren arabera edo ondasuna heltzen den Batasuneko estatuko arau baliokidearen arabera eta saltzaileak edo haren kontura ari den bitartekariak araubide berezi hori aplikatzeko esleitutako banakako identifikazio zenbakia aurkeztu badu aduanan foru arau honen 163 septvicies artikuluan edo identifikazioaren Batasuneko estatuan aplikatzen den arautegiaren arabera, beranduenez ere inportazioaren aduana aitortpena aurkeztu behar denean.”

Bederatzi. 68. artikulua aldatzen da eta honela geratzen da:

**“68. artikulua. Ondasunak emateko tokia**

Ondasun ematea non gertatu den zehazteko erregela hauek aplikatuko dira:

Bat. Garraiorik ez duten ondasun emateak zerga aplikatzeko lurraldean egin direla ulertuko da ondasunak eskuratzaillearen esku jartzen direnean lurralde horretan.

Bi. Honako hauek ere zergaren aplikazio lurraldean egintzat hartuko dira:

1. A) Ondasun higigarri gorpuzdunak emateak, baldin eta ondasuna bidali edo garraiatu behar bada eskuratzailleari helarazteko, ondoko hirugarren eta laugarren apartatueta aipatzen direnak ez besteak, bidalketa edo garraioa lurralde horretan hasiz gero.

Aurreko paragrafoan xedatzen dena gorabehera, inportatzeko diren ondasunen bidalketa edo garraioa hasten den lekua hirugarren herrialde batean badago, inportatzaileak egiten dituen horien emateak eta, hala denean, ondoko eskuratzailleak egiten dituztenak zergaren aplikazio eremuan egintzat joko dira.

B) Aurreko A) letrako lehen paragrafoan xedatzen denaren ondorioetarako, ondasunak hainbat aldiz ematen badira Batasuneko estatu batetik beste batera bidalita edo garraiatuta, zuzenean, hau da, lehen hornitzailetik kateko azken eskuratzailleak jaso arte, bidalketa edo garraioa bitartekariaren alde egindako ondasun ematearekin bakarrik egongo da lotuta.

Hala ere, bitartekariak Espainiako Erresumak balio erantsiaren gaineko zergaren ondorioetarako emandako identifikazio fiskaleko zenbakia jakinarazten badio hornitzaileari, bidalketa edo garraioa bitartekariak egindako ondasun ematearekin bakarrik egongo da lotuta.

Aurreko bi paragrafoen ondorioetarako, hauxe da bitartekaria: enpresaburua edo profesionala, lehen hornitzailea ez dena, ondasunak zuzenean edo beraren izenean eta kontura ari den hirugarren baten bitartez bidaltzen edo garraiatzen dituena.

Aurrekoa ez da aplikatuko arau honen 8 bis artikuluan arautzen diren kasuetan.

2. Besteren esku jarri aurretik instalatu edo muntatu behar diren ondasunen emateak, instalakuntza aipatu lurraldean burutzen denean eta instalazioek edo muntaketak berekin badakar ondasunak ibilgetzea.

3. Aipatu lurraldean errotzen diren ondasun higiezinaren emateak.

4. Batasunaren barruko garraio tartean, garraioaren abiapuntua zergaren aplikazio eremuan eta jomuga Batasuneko beste puntu batean daudela, ontzi, hegazkin edo tren baten barruan bidaiariei egiten zaizkien ondasun emateak.

Joan-etorriko bidaietan bi garraio gertatzen dira, bata joanekoa eta bestea itzulerakoa.

Zenbaki honen ondorioetarako, honako hauek hartuko dira kontuan:

a) Batasunaren barruko garraio tartea Batasunaren barruko abiapuntutik jomugara bitartekoa da, beste lurraldetan eskalarik egin gabe.

b) Abiapuntua Batasunaren barruan bidaiariak ontziratzeke aurreikusitako lehen lekua da, are Batasunetik kanpoko azkeneko eskala egin ondoren ere.

c) Jomuga Batasunean ontziratutako bidaiariak Batasunaren barruan lehorreratzeke aurreikusitako azken lekua da, are beste lurralde batean eskala egin baino lehen ere.

Hiru. Honako hauek ere zergaren aplikazio lurraldean egintzat hartuko dira:

a) Batasunaren barruko ondasun emateak, baldin eta bezeroak jaso beharreko bidalketaren edo garraioaren jomuga Batasunaren lurraldean bada.

Aurreko araua ez da aplikatuko honako bi baldintzak betez gero:

a') Salmenta egiten duen enpresaburuak edo profesionalak, hala diharduenak, daukan egoitza bakarria Batasuneko beste estatu batean egotea, han daukalako bere jarduera ekonomikoaren egoitza edo Batasuneko establezimendu bakarria edo, bestela, bere bizileku iraunkorra edo ohiko egoitza.

b') Ez gaingitzea arau honen 73. artikuluan ezartzen den muga eta ez erabiltzea zerga destinoan ordaintzeko aukera, artikulua horretan edo a') letran aipatzen den Batasuneko estatuaren legeriako xedapen baliokidean arautzen dena.

b) Batasunaren barruko urruneko ondasun salmentak, baldin eta salmenta egiten duen enpresaburuak edo profesionalak, hala diharduenak, daukan egoitza bakarria zergaren aplikazio lurraldean bada, han daukalako bere jarduera ekonomikoaren egoitza edo Batasuneko establezimendu bakarria edo, bestela, bere bizileku iraunkorra edo ohiko egoitza eta honako inguruabar hauek gertatzen badira:

a') Zergaren aplikazio lurraldea bezeroak jaso beharreko ondasunaren bidalketaren edo garraioaren abiapuntua izatea.

b') Ez gaingitzea arau honen 73. artikuluan ezartzen den muga eta ez erabiltzea zerga destinoan ordaintzeko aukera, artikulua horretan arautzen dena.

c) Hirugarren herrialde edo lurralde batetik inportatutako ondasunen urruneko salmentak, ondasuna Batasuneko estatu batetik beste batera bidaltzen edo garraiatzen denean, baldin eta zergaren aplikazio lurraldea bidalketaren edo garraioaren jomuga bada.

d) Hirugarren herrialde edo lurralde batetik inportatutako ondasunen urruneko salmentak, ondasuna Batasuneko estatu batetik beste batera bidaltzen edo garraiatzen denean, baldin eta zergaren aplikazio lurraldea bidalketaren edo garraioaren jomuga bada eta salmenta dela eta egin beharreko balio erantsiaren gaineko zergaren aitortpena arau honen IX. tituluaren XI. kapituluaren 4. atalean ezartzen den araubide berezian egin behar bada.

Apartatu honetan ezartzen dena ez zaie aplikatuko ematea salmenta edo garraioa abiatzen den Batasuneko estatuan erabilitako ondasunen, arte objektuen, antzinakinen eta bildumarako objektuen araubide bereziaren arabera kargatutako ondasunei.

Lau. Ez dira hartuko zergaren aplikazio lurraldean egintzat bidalketa edo garraioa lurralde horretan hasi eta azken bezeroa dagoen Batasuneko beste estatu batean amaitzen den ondasun emateak, baldin eta eragiketa aurreko hirugarren apartatuko b) letran aipatzen diren ondasunetako baten urruneko salmenta bada eta b') letrako baldintza betetzen ez bada (edo betetzeari uzten zaionetik).

Aurreko paragrafoan xedatzen dena gorabehera, ondasun emate horiek ez dira inolaz ere zergaren aplikazio lurraldean egintzat joko honako kasu honetan: ondasuna zerga berezi baten kargapean egonez gero eta ondasunaren hartzaillearen Batasunaren barruko eskuraketak ez badaude zergaren kargapean arau honen 14. artikuluan edo ondasuna heltzen den Batasuneko estatuan aplikatzen den xedapen baliokidean xedatzen denaren arabera.

Bost. Zerga berezi baten kargapean dauden ondasun emateak, hirugarren apartatuko a) letran azaltzen den bezala egiten direnak, zergaren aplikazio lurraldean egintzat joko dira honako kasu honetan: ondasunaren bidalketa edo garraioa heltzen den tokia lurralde horretan badago eta ondasunaren hartzailearen Batasunaren barruko eskuraketak ez badaude zergaren kargapean arau honen 14. artikuluan xedatzen denaren arabera.

Apartatu honetan aipatzen diren ondasun emateen zenbatekoa ez da kontuan hartuko arau honen 73. artikuluko mugarako.

Sei. Gasa ematea Batasuneko lurralde eremuko gas naturala banatzeko sare baten bitartez, edo hari konektatutako sare baten bitartez, elektrizitatea ematea, eta beroa edo hotza ematea berokuntza edo hozketa sareen bitartez Batasuneko lurralde eremuan gertatutzat joko dira kasu hauetan:

1. Hartzailea enpresaburua edo profesionala da eta gasa edo elektrizitatea beste bati saldu dio, eta bere jarduera ekonomikoaren egoitza lurralde horretan dago, edo establezimendu iraunkorra du bertan edo, bestela, bere etxebizitza, eta gasa edo elektrizitatea egoitzarako, establezimendurako edo etxebizitzarako da.

Honen ondorioetarako, enpresaburua edo profesionala gasa, elektrizitatea, beroa edo hotza birsaltzen diharduela pentsatuko da baldin eta erosten duen gehiena besteri saltzen badie eta berak oso gutxi kontsumitzen badu.

2. Beste zeinahi kasu, baldin eta eskuratzailerak ondasunak zergaren aplikazio eremuan erabiltzen edo kontsumitzen baditu. Honen ondorioetarako, ondasuna zergaren aplikazio lurraldean erabili edo kontsumituztat joko da bertan badago neurgailua.

Eskuratzailerak ez baditu kontsumitzen ondasun guztiak, kontsumitu gabe geratzen direnak zergaren aplikazio lurraldean erabili edo kontsumituztat joko dira eskuratzailerak lurralde horretan badu bere jardueraren egoitza edo bertan badu establezimendu iraunkorra edo bere etxebizitza, eta, gainera, gasa edo elektrizitatea egoitzarako, establezimendurako edo etxebizitzarako izan bada.”

Hamar. 70. artikuluko Bat apartatuko 4. eta 8. zenbakiak aldatzen dira eta honela geratzen dira:

“4. Bitarteko elektronikoz, telekomunikazioz eta irrati eta telebista bidez ematen direnak, baldin eta hartzailea ez bada enpresaburua edo profesionala, hala diharduena, eta, betiere, hura zerga aplikatzen den lurraldean badago ezarrita edo han badauka bere egoitza edo ohiko bizilekua, kasu hauetan:

a) Honako inguruabar hauek gertatzen direnean:

a') Enpresaburu edo profesional batek, hala diharduenak, egitea eta honen egoitza bakarra batasuneko beste estatu batean egotea, han daukalako bere jarduera ekonomikoaren egoitza edo Batasunean daukan establezimendu iraunkor bakarra edo, bestela, bere bizileku iraunkorra edo ohiko egoitza; eta

b') arau honen 73. artikuluan ezartzen den muga gainditzea eta zerga destinoan ordaintzeko aukera, artikulur horretan arautzen dena, erabiltzea.

b) Enpresaburu edo profesional batek, hala diharduenak, egitea, aurreko a) letrako a') letran aipatzen direnak besteko batek.

“8. Baliabide elektronikoen, telekomunikazioen, irratiaren edo telebistaren bidez egiten direnak, baldin eta eragiketa egiten duen enpresaburuak edo profesionalak, hala diharduenak, daukan egoitza bakarra zergaren aplikazio lurraldean badago, han daukalako bere jarduera ekonomikoaren egoitza edo Batasuneko establezimendu bakarra edo, bestela, bere bizileku iraunkorra edo ohiko egoitza eta honako inguruabar hauek gertatzen badira:

a) hartzailea ez izatea enpresaburua edo profesionala, hala diharduena, egoitza edo ohiko bizilekua Batasuneko beste estatu batean daukana; eta

b) Ez gaintitzea arau honen 73. artikuluan ezartzen den muga eta ez erabiltzea zerga destinoan ordaintzeko aukera, artikulua horretan arautzen dena.”

Hamaika. III. kapitulu gehitzen zaio III. tituluari, kapitulu berri batekin, 73. artikulua; hona testu berria:

### “III. KAPITULUA

Batasunaren barruko urruneko ondasun salmenta eta zerbitzugintza batzuen gehieneko kopuruak.”

**“73. artikulua. Batasunaren barruko urruneko ondasun salmentak (arau honetako 68. Hiru.a eta b) eta zerbitzugintzak (arau honetako 70. Bat.4 eta 8): gehieneko kopuruak**

Arau honetako 68. Hiru.a) eta b) artikuluan eta 70. Bat.4 eta 8 artikuluan ezartzen denaren ondorioetarako, egutegiko aurreko urtean Batasunaren barruan egindako ondasun emateen edota zerbitzuen gehieneko kopurua 10.000 euro izango da, guztirako zenbatekoa kontuan hartuta, zerga zenbatu gabe, edo horren baliokidea moneta nazionalan.

Aribideko urtean egindako eragiketen guztirako zenbatekoak aurreko paragrafoan ezartzen den muga gaintitzen badu, arau honetako 68. Hiru.a) eta 70. Bat.4.a) artikuluetan ezartzen dena aplikatuko da.

Honelako eragiketak egiten dituzten enpresaburuek eta profesionalek hautatu ahal izango dute horien gaineko zerga aurreko paragrafoko 10.000 euroko muga gaintitu balitz bezala ordaintzea, ondasun emateen kasuan ondasunen bidalketak edo garraioak hasten diren Batasuneko estatuan, eta zerbitzugintzen kasuan, egoitza duten estatuan. Egoitza zergaren aplikazio lurraldean duten enpresaburuek eta profesionalek lurralde horretatik egiten badituzte zerbitzuak edo bidaltzen badituzte ondasunak, hautapena erregelamenduz ezartzen den bezala egin behar da eta egutegiko bi urte iraungo du gutxienez.

Artikulu honetan aipatzen den muga aplikatzean, ondasun emateen kontraprestazioaren zenbatekoa zatiezina izango da ondorio hauetarako.”

Hamabi. 75. artikuluari apartatu bat gehitzen zaio, hirugarrena; hona testua:

“Hiru. Aurreko apartatuetan xedatzen dena gorabehera, arau honetako 8 bis artikuluan ezartzen denaren arabera egiten diren ondasun emateetan, salmenta edo ematea bideratzen duen enpresaburuaren edo profesionalaren aldeko ematearen eta berak egindakoaren gaineko zerga bezeroak ordainketa onartzen duenean gertatuko da.”

Hamahiru. 84. artikuluko Bat apartatuko 4. zenbakia aldatzen da eta honela geratzen da:

“4. Aurreko zenbakietan xedatutakoa eragotzi gabe, arau honetako 68. Sei artikuluan ezarritakoarekin bat etorriz zergaren aplikazio eremuan egintzat jotzen diren emateen bidez gasa, elektrizitatea, beroa edo hotza (berokuntza edo hozketa sareen bitartez) jasotzen duten enpresaburuak edo profesionalak, bai eta ez enpresaburu ez profesional gisa ari ez diren pertsona juridikoak ere, baldin eta ematea lurralde horretan egoitza ez daukan enpresaburu edo profesional batek egiten badu eta balio erantsiaren gaineko zergaren ondorioetarako Espainiako administrazio batek emandako identifikazio zenbakia jakinarazi badiote.”

Hamalau. 94. artikuluko Bat apartatuko 1. zenbakiko c) letra aldatzen da eta honela geratzen da:

“c) Arau honetako 20 bis, 21., 22., 23., 24. eta 25. artikuluetan xedatutakoa dela bide salbuesten diren eragiketak, eta apartatu honetako 2. zenbakian aipatzen diren eragiketak egiten ez diren Batasunetik kanpoko gainerako behin betiko ondasun esportazioak ere bai.”



Hamabost. 119. artikuluko bosgarren eta zazpigarren apartatuak aldatzen dira eta honela geratzen dira:

“Bost. Itzulketa eskaeren aldia ezin da izan egutegiko urtea baino luzeagoa, ez hiru hiletik beherakoa.

Hala ere, kasu batean eskaeraren aldia hiru hilekoa baino laburragoa izan daiteke: egutegiko urtearen saldoa denean.”

“Zazpi. Itzulketa eskaera baten ondoriozko prozedura berezian Zerga Administrazioak informazio gehiago eskatu ahal izango dio eskatzaileari, horren egoitza dagoen Batasuneko estatuko Zerga Administrazioari edo hirugarren batzuei, eta horrez gainera eskaera bidezkoa denez ebazteko eta, batez ere, itzuli beharreko kopurua artikuluko honetan eta beraren arau garapenean ezarritakoaren arabera behar bezala zehazteko behar diren frogagiriak ere bai.

Itzulketa prozeduraren izapideak egiteko artikuluko honetan, beraren garapenerako xedapenetan eta Batasunak berariaz emandako arautegian xedatzen dena aplikatuko da. Arautegi horretan berariaz arautzen diren izapideak baino ez dira egingo.

Itzulketa bat egin ondoren egiaztatzen bada ez zela bidezkoa izan dirua itzultzea, artikuluko honetan edo beraren arau garapenean ezarritako betekizunak eta mugak bete ez direlako edo datu faltsuak edo okerrak emanez lortu delako, Zerga Administrazioak itzulitako dirua eta sortutako berandutze interesak berreskuratuko ditu, eta gerta liteke zehapena ere ezartzea bidezko espedientea instruitu ondoren, bidezko bilketa prozedura aplikatuz (honek ez ditu eragozten zergaren bilketan elkarri laguntzeaz ezarritako xedapenak).

Borondatezko aldian eskatzaileak zergaren kuota, zehapena edo sortutako berandutze interesak ordaintzen ez baditu, indarreko legerian ezarritako kautelazko neurriak aplikatu ahal izango dira.”

Hamasei. 119 bis artikulua aldatzen da eta honela geratzen da:

**“119 bis artikulua. Ez zergaren aplikazio lurraldean, ez Europar Batasunean, ez Kanarietan, ez Ceutan, ez Melillan establezimendurik ez duten enpresaburu eta profesional batzuentzako itzulketen araubide berezia**

Bat. Arau honetako 119. artikuluan ezarritako baldintzak eta mugak betez gero, ez zergaren aplikazio lurraldean, ez Batasunean, ez Kanarietan, ez Ceutan, ez Melillan establezimendurik ez duten enpresaburuek eta profesionalak lurralde horretan egindako ondasun eta zerbitzuen eskuraketengatik eta inportazioengatik jasandako balio erantsiaren gaineko zergaren kuota itzultzeko eskatu ahal izango dute, ondoren ezarritakoari lotuta eta arau bidez ezarriko den prozedurari atxikita.

1. Lehenbizi eskatzaileek zergaren aplikazio lurraldeko egoiliarra den ordezkaria izendatu behar dute; hark erazko betebeharrak edo prozedurakoak bete beharko ditu eta erantzukizun solidarioa edukiko du bidegabeko itzulketa gertatuz gero. Herri Ogasunak behar besteko kauzioa eskatuko ahal izango dio ordezkariari.

2. Eskatzaileen egoitza zergaren aplikazio lurraldean, Kanarietan, Ceutan edo Melillan establezimendua duten enpresaburu eta profesionalen aldeko elkarrekikotasuna aintzatetsita duen estatu batean egon behar da

Aurreko paragrafoan aipatutako tratamenduaren elkarrekikotasuna administrazio eskudunen ebazpen baten bidez onartuko da.

3. Aurreko zenbakian xedatzen denaren salbuespen gisa, artikuluko honetan aipatzen diren lekuetan establezimendurik ez duten enpresaburuek eta profesionalak ondasunen inportazioen nahiz ondasun eta zerbitzuen eskuraketan ondorioz jasandako zerga kuoten itzulketa lortu ahal izango dute, baldin eta eragiketaren xedea ondokoetako bat bada:



– Establezimendurik ez duen enpresaburuak edo profesionalak zergaren aplikazio lurraldean eskuratutako edo inportatutako txantilo, molde eta ekipoen hornidura, lurralde horretan ezarrita dagoen enpresaburu edo profesional bati emango bazaizkio eta azken horrek, bere aldetik, ezarrita ez dagoen enpresaburu edo profesional bati EBtik kanpo bidali edo garraiatuko zaizkion ondasunak fabrikatzeko erabiliko baditu, betiere, ondasunen fabrikazioa amaitzen denean, ezarrita ez dagoen enpresaburuari edo profesionalari bidaltzen bazaizkio edo suntsitzen badira.

– Zergaren aplikazio lurraldean egiten diren feria, kongresu eta erakusketa komertzial edo profesionaletara joatearekin lotura duten sarrera, ostalaritza, sukaldaritza eta garraio zerbitzuak.

Bi. Itzulketa prozeduraren izapideak egiteko artikulua honetan, beraren garapenerako xedapenetan eta Batasunak berariaz emandako arautegian xedatzen dena aplikatuko da. Arautegi horretan berariaz arautzen diren izapideak baino ez dira egingo.”

Hamazazpi. 120. artikuluko Bat apartatuko 7. zenbakia eta Bost apartatua aldatzen dira eta honela geratzen dira:

“7. Urruneko salmenten eta Batasunaren barruko ondasun emate eta zerbitzugintza batzuen araubide bereziak.”

“Bost. Urruneko salmenten eta Batasunaren barruko ondasun emate eta zerbitzugintza batzuen araubide bereziak arau honen 163 noniesdecies, 163 duovicies eta 163 septvicies artikuluetan ezartzen diren aitorenpenetako bat aurkezten duten enpresaburuei eta profesionalari aplikatuko zaizkie.”

Hemezortzi. IX. tituluko XI. kapituluaren izenburua aldatzen da eta honela geratzen da:

#### “XI. KAPITULUA

Urruneko salmenten eta Batasunaren barruko ondasun emate eta zerbitzugintza batzuen araubide bereziak.”

Hemeretzi. 163 septiesdecies artikulua aldatzen da eta honela geratzen da:

#### “163 septiesdecies artikulua. Definizioak eta kanpoan uzteko arrazoiak

Bat. Kapitulu honetan xedatzen dena betetzeko honako definizio hauek hartu behar dira kontuan:

a) “Araubide berezien aldizkako autolikidazioak”: Batasuneko kontsumo estatu bakoitzean zerga dela eta zenbat ordaindu behar den jakiteko behar den informazioa biltzen duten autolikidazioak.

b) “Batasuneko kontsumo estatua”: araubide berezi bakoitzean ezartzen dena.

c) “Batasuneko identifikazio estatua”: araubide berezi bakoitzean ezartzen dena.

Bi. Enpresaburuak eta profesionalak araubide berezi hauetatik kanpo geratuko dira honako inguruabarretako bat gertatuz gero:

a) Araubide berezietako batean dauden eragiketei utzi zaielako adierazpena aurkeztea.

b) Araubide berezietako batean dagoen enpresaburu edo profesionalaren eragiketa amaitu dela pentsarazten duen zerbait gertatzea.

c) Araubide berezi hauetako bati heltzeko behar diren betekizunak ez betetzea.

d) Behin eta berriz ez betetzea araubide berezien araudiak ezartzen dituen betebeharrak.

e) Kapitulu honen 4. atalean ezartzen den araubide bereziari heldutako enpresaburuek eta profesionalak bitartekari baten bidez jarduten badute, araubidetik kanpo gelditzeko arrazoi izango da Zerga Administrazioari jakinaraztea bitartekariak ordezkaritza utzi duela.

Araubidetik kanpo uzteko erabakia Batasuneko identifikazio estatuak hartu behar du.

Hiru. Bitartekaria kapitulu honen 4. atalean ezartzen den araubide berezitik kanpo uzteko arrazoa honako hauetako bat gertatzea:

a) Egutegiko bi hiruilekotan bitartekari lanak ez egitea araubide bereziari heldutako enpresaburu edo profesional batentzat.

b) Bitartekari gisa aritzeko ezarritako baldintzak ez betetzea.

c) Araubide bereziaren arautegian ezarritako betebeharrak behin eta berriro ez betetzea.

Lau. Aurreko apartatuetan ezartzen dena gorabehera, enpresaburuek edo profesionalek edo haien bitartekariak beren borondatez hartu ahal izango dute araubide berezi hauetan.

Bost. Kapitulu honetan xedatzen dena garatzeko eta aplikatzeko behar diren xedapenak erregelamendu bidez ezarriko dira.”

Hogei. IX. tituluko XI. kapituluko 2. atala aldatzen da eta honela geratzen da:

“2. atala. Batasunaren kanpoko araubidea. Egoitza Batasunean ez duten enpresaburuek eta profesionalek ez enpresaburu ez profesional ez diren hartzaileei, hala dihardutenei, egiten dizkieten zerbitzuei aplikatuko zaien araubide berezia.

#### **163 octiesdecies artikulua. Aplikazio eremua**

Bat. Egoitza Batasunean ez duten enpresaburuek edo profesionalek zerbitzuak egiten badizkiete ez enpresaburu ez profesional ez diren pertsoneri, egoitza edo ohiko etxebizitza Batasunean dutenei, atal honetan ezartzen den araubide bereziari heldu ahal diote.

Araubide berezi hori arau honetan xedatutakoaren arabera edo Batasuneko kide diren beste estatutu batzuetan indarrean dauden arlo bereko legerietan xedatutakoaren arabera Batasunean egintzat jo behar diren zerbitzugintza guztiei aplikatuko zaie.

Bi. Atal honetan xedatzen dena betetzeko ondoko definizio hauek hartu behar dira kontuan:

a) “EBn ezarrita ez dagoen enpresaburua edo profesionala”: jarduera ekonomikoaren egoitza Batasunetik kanpo daukan enpresaburua edo profesionala, Batasunaren barruan establezimendu iraunkorrik ez daukana.

b) “Batasuneko identifikazio estatua”: EBn ezarrita ez dauden enpresaburuek eta profesionalek EBko lurraldean enpresaburu edo profesional gisa egingo duten jardueraren hasierari buruzko adierazpena egiteko hautatutako Batasuneko estatua.

c) “Batasuneko kontsumo estatua”: arau honetan edo Batasuneko beste estatu baten xedapen baliokidean ezarritakoaren arabera zerbitzua egin den Batasuneko estatua.

#### **163 noniesdecies artikulua. Betebehar formalak**

Bat. Baldin eta EBn ezarrita ez dagoen enpresaburu edo profesional batek Espainiako Erre-  
suma hautatzen badu identifikazioko estatu kide gisa, honako hauek bete behar ditu:

a) Arau honetako 164. Bat.2 artikuluan aipatzen den identifikazio fiskaleko zenbakia eduki behar du.

b) Araubide berezian dauden eragiketak noiz hasten, aldatzen edo amaitzen diren adierazi behar du. Adierazpena baliabide elektronikoen bitartez aurkeztu behar da.

EBn ezarrita ez dauden enpresaburuek edo profesionalek zergapeko jarduera bati ekingo diotela jakinarazteko aurkeztu beharreko adierazpenean identifikazio datu hauek eman behar dituzte: izen-abizenak; posta helbidea eta helbide elektronikoa; eragiketak egiteko interneteko gunerik erabiliko badu, horien helbideak; jarduerarako egoitza duen hirugarren lurraldeko zerga administrazioaren aurrean identifikatzeko zenbakia; jarduera ekonomikoaren egoitza Batasunean ez dagoela eta bertan establezimendu iraunkorrik ez daukala dioen adierazpena. Halaber, datu horietan ezer aldatuz gero, Batasunean ezarrita ez dauden enpresaburuek edo profesionalek horren berri eman behar dute.

Kanariar uharteetan, Ceutan edo Melillan establezimendua daukaten enpresaburuek eta profesionalek ondoko datu hauek eman beharko dituzte zergapeko jarduera bati ekingo diotela jakinarazten dutenean: izen-abizenak, posta helbidea, helbide elektronikoa, jarduerarako erabiliko dituen interneteko guneen helbideak eta Espainiako Zerga Administrazioak emandako identifikazio fiskaleko zenbakia.

Araubide honen ondorioetarako, Zerga Administrazioak banakako zenbaki baten bidez identifikatuko ditu Europar Batasunean ezarrita ez dauden enpresaburuak eta profesionalak.

Zerga Administrazioak posta elektronikoaren bidez jakinaraziko dio Batasunean ezarrita ez dagoen enpresaburu eta profesional bakoitzari esleitutako identifikazio zenbakia.

c) Balio erantsiaren gaineko zergaren autolikidazio bat aurkeztu behar du egutegiko hiru-hileko bakoitzeko, balia bide elektronikoz baliatuz, araubideko zerbitzurik egin duen edo ez kontuan eduki gabe. Hil bateko autolikidazioa hurrengo hilean aurkeztu behar da.

Autolikidazioan, Zerga Administrazioak aurreko a) letran ezartzen denaren arabera jakinarazitako identifikazio zenbakiaz gainera honako datu hauek ere agertu behar dira, zerga sortu den Batasuneko kontsumo estatu bakoitzeko banakatuta: aitortpenaren aldia araubidearen barruan egindako zerbitzuen guztirako balioa (eragiketa kargatzen duen balio erantsiaren gaineko zerga zenbatu gabe); Batasuneko estatu bakoitzeko guztirako zerga (karga tasen arabera banakatuta); aurreko guztien batura, hots, Espainian sartu beharreko kopurua.

Baldin eta eragiketen kontraprestazioaren zenbatekoa euroa ez beste moneta batean finkatu bada, eurotara bihurtu behar da autolikidazioaren aldiko azken egunean indarrean egon den truke tasa balioduna aplikatuz. Trukerako Europako Banku Zentralak egun horretan argitaratutako truke tasak aplikatuko dira, edo hurrengo egunekoak, egun horretan bertan argitaratu ez baditu.

Aurkeztutako autolikidazio bateko kopururen bat aldatu behar izanez gero, lehenengo autolikidazioa aurkeztu behar izan den egunetik hiru urte pasatu baino lehen egin behar da. Aldaketa aldizkako autolikidazio batean egin behar da erregelamenduz ezartzen denarekin bat etorritz.

d) Autolikidazio bakoitzari dagokion zenbatekoa sartu behar du. Dirua sartzean autolikidazioaren erreferentzia zehatza agertu behar da. Zenbatekoa eurotan sartu behar da Zerga Administrazioak hautatzen duen banku kontuan, autolikidazioa aurkezteko epealdiaren barruan.

e) Araubide berezian egiten diren eragiketen erregistroa eduki behar du. Erregistroa zehatza izan behar da, hain zuzen ere Batasuneko kontsumo estatuko zerga administrazioak aurreko c) letran aipatzen den autolikidazioa zuzen dagoen egiaztatzeko behar bezain zehatza.

Erregistro hori Batasuneko identifikazio estatuaren zein kontsumo estatuaren eskura jarri behar da, Kontseiluaren 2010eko urriaren 7ko 904/2010 (EB) Erregelamenduaren 47 decies artikuluaekin bat etorritz (administrazio lankidetzari eta iruzurraren aurkako borrokari buruzkoa, balio erantsiaren gaineko zergaren eremuan).

EBn ezarrita ez dauden enpresaburu edo profesionalek hamar urtean gorde behar dute erregistroa eragiketa egiten den urtetik aurrera.

f) Faktura egin behar du, erregelamenduz ezartzen denarekin bat etorritz, eta bidali egin behar du.

Bi. Baldin eta egoitza Batasunean ez daukan enpresaburu edo profesional batek Espainia ez Batasuneko beste estatu bat hautatzen badu araubide berezi honen hasierako aitortpena aurkezteko, zergaren aplikazio lurraldean egintzat jo behar diren eragiketei dagokienez zergaren kargarengatik ordaindu beharreko kopurua aurreko apartatuan aipatutako autolikidazioa aurkezten denean sartu behar du Batasuneko identifikazio estatuan.

Gainera, egoitza Batasunean ez daukaten enpresaburuek eta profesionalek aurreko lehenengo apartatuan ezartzen diren gainerako betebeharrak bete behar dituzte Batasuneko identifikazio estatuan, batez ere apartatu horren e) letrakoak.

**163 vicies artikulua. Jasandako kuotak kentzeko eskubidea**

Bat. Egoitza Batasunean ez daukan enpresaburu edo profesional batek araubide berezi hau hautatzen badu, arau honetako 163.noniesdecies. Bat.c) artikuluko likidazioan ezin izango du kenkaririk aplikatu araubide honetan aipatzen diren zerbitzuak egiteko asmoarekin eskuratu edo inportatzen dituen ondasunek eta zerbitzuek aplikatu beharreko erregelen arabera jasaten dituzten kuotak direla eta.

Aurrekoa gorabehera, araubide berezi honi heldutako enpresaburu eta profesional horiek araubide berezi honetan egindako eragiketetatik Batasuneko kontsumo estatuan egintzat jotzen diren zerbitzuak egiteko diren ondasunak eta zerbitzuak eskuratzean edo inportatzean jasandako balio erantsiaren gaineko zergaren kuotak itzultzeko eskubidea edukiko dute, Batasuneko kontsumo estatuko arautegian ezarritako prozedurarekin bat etorriz (Kontseiluaren 1986ko azaroaren 17ko 86/560/CEE Zuzentarauak xedatzen duena garatzeko, 2006ko azaroaren 28ko 2006/112/CE Zuzentarauak 368. artikuluan ezartzen duenaren arabera). Establezimendua Kanariar uharteetan, Ceutan edo Melillan duten enpresaburuek eta profesionalek arau honetako 117 bis artikuluan ezartzen den prozedurari jarraituko diote jasandako kuotak (zergaren aplikazio lurraldekoak ez beste guztiak) itzultzeko eskatzeko.

Bi. Batasuneko kontsumo estatua Espainiako Erresuma izanez gero, arau honetako 119. Bi.2 artikuluan xedatzen dena gorabehera, Batasunean ezarrita ez dauden enpresaburuek eta profesionalek araubide berezi hau hautatzen badute, eskubidea edukiko dute balio erantsiaren gaineko zergaren kargagatik araubide berezi honetan aipatzen diren zerbitzuak egiteko asmoarekin egiten dituzten ondasun eta zerbitzuen eskuraketek eta inportazioek, zergaren aplikazio lurraldean egintzat jotzen direnek, jasaten dituzten kuotak itzultzeko. Eskubide hori erabiltzeko prozedura arau honetako 119 bis artikuluan ezartzen da.

Horretarako ez da beharrezkoa izango zergaren aplikazio lurraldean establezimendua daukan enpresaburu eta profesionalen aldeko elkarrekikotasuna onartuta egotea. Artikulu honetan xedatzen denari helden dioten enpresaburuek eta profesionalek ez dute edukiko zertan izendatu ordezkariarik honen ondorioetarako Zerga Administrazioarekin jarduteko.

Kanariar uharteetan, Ceutan edo Melillan establezimendua daukaten enpresaburuek eta profesionalek arau honetako 119. artikuluan ezartzen den prozedurari jarraituko diote balio erantsiaren gaineko zergaren kuotak, idatz zati honetan aipatzen direnak, itzultzeko eskubidea baliatzeko.

Hiru. Araubide berezi honi heldutako enpresaburuek eta profesionalek zergaren aplikazio lurraldean araubide bereziko eragiketez gainera egiten dituzten eragiketa batzuek lurralde horretan erregistratu eta autolikidazioak egin beharra eragiten badute, honako kuota hauek kendu beharko dituzte zergaren aplikazio lurraldean aurkeztu beharreko autolikidazioen bidez: araubide berezi honetako zerbitzuak egiteko erabiltzeko ondasunen edo zerbitzuen eskuraketak edo inportazioek, lurralde horretan egintzat jotzen direnek, jasandako kuotak.”

Hogeita bat. IX. tituluko XI. kapituluko 3. atala aldatzen da eta honela geratzen da:

“3. atala. Batasunaren araubidea. Honako hauei aplikatuko zaien araubide berezia: egoitza Batasunean (kontsumo estatua ez beste batean) duten enpresaburuek eta profesionalek ez enpresaburu ez profesional ez diren hartzaileei, hala dihardutenei, egiten dizkieten zerbitzuei, Batasunaren barruko urruneko ondasun salmentei eta arau honetako 8 bis.b) artikuluan ezartzen denarekin bat etorriz egiten diren Batasunaren barruko ondasun emateei.

**163 unvicies artikulua. Aplikazio eremua**

Bat. Atal honetan ezartzen den araubide bereziari heldu ahal diote egoitza Batasunean (kontsumo estatua ez beste batean) duten enpresaburuek eta profesionalek, baldin eta kontsumo estatuan egintzat jotzen diren zerbitzuak egiten badizkiete ez enpresaburu ez profesional ez diren pertsoneri, edo Batasunaren barruko urruneko ondasun salmentak edo Batasunaren barruko ondasun emateak egiten badituzte arau honetako 8 bis.b) artikuluan ezartzen denarekin bat etorriz.

Araubide berezia heltzen dioten enpresaburuek eta profesionalak egiten dituzten zerbitzugintza guztiei aplikatuko zaie, baldin eta, arau honetan edo Batasuneko beste estatu batzuen legerietako arau baliokidean ezartzen denaren arabera, zerbitzuak Batasunean egintzat jotzen badira eta araubide bereziari heldutako enpresaburuak edo profesionalak Batasunaren barruan badauka bere jarduera ekonomikoaren egoitza edo establezimendu iraunkorra. Horrez gainera, araubide berezia berari heldutako enpresaburuek eta profesionalak egiten dituzten ondasun emateetatik araubide berezia aplikatu ahal zaienei ere aplikatuko zaie.

Bi. Atal honetan xedatzen dena betetzeko honako definizio hauek hartu behar dira kontuan:

a) "Batasuneko kontsumo estatuan establezimendurik ez daukan enpresaburua edo profesionala": jarduera ekonomikoaren egoitza edo establezimendu iraunkor bat EBko lurraldean ezarrita daukan enpresaburua edo profesionala, kontsumo estatuan ez egoitzarik ez establezimendu iraunkorrik ez daukana;

b) "Batasuneko identifikazio estatua": enpresaburuak edo profesionalak jarduera ekonomikoaren egoitza ezarrita daukan estatua. Enpresaburuak edo profesionalak ez badauka Batasunean bere jarduera ekonomikoaren egoitza, kontuan hartuko da zer estatu kideetan daukan establezimendu iraunkorra; establezimendu iraunkor bat baino gehiago edukiz gero Batasuneko hainbat estatutan, berak hautatzen duena hartuko da kontuan.

Enpresaburuak edo profesionalak ez badauka Batasunean bere jarduera ekonomikoaren egoitza, ez eta establezimendu iraunkorrik ere, Batasuneko identifikazio estatua ondasunaren bidalketa edo garraioa hasten den estatua izango da. Bidalketa edo garraioa Batasuneko estatu bat baino gehiagotik hasten bada, enpresaburuak edo profesionalak bat hautatu beharko du.

Batasuneko estatu baten hautapenak enpresaburuak edo profesionalak ezeztatu arte iraungo du. Hautapenak egutegiko hiru urte iraungo du gutxienez, hautapena egiten den egutegiko urtea barne.

c) "Batasuneko kontsumo estatua":

a') Zerbitzugintzetan, arau honetan edo Batasuneko beste estatu baten xedapen baliokidean ezarritakoaren arabera zerbitzua egin den Batasuneko estatua.

b') Batasunaren barruko urruneko ondasun salmentetan, bezeroak bidalitako edo garraiatutako ondasuna jasotzen duen Batasuneko estatua.

c') Enpresaburu edo profesionalak arau honen 8 bis.b) artikuluan ezartzen denaren arabera egiten dituzten ondasun emateetan, ondasunaren bidalketa edo garraioa Batasuneko estatu berean hasten eta amaitzen bada, estatu hori.

Hiru. Atal honetan xedatzen dena betetzeko, "identifikazio estatua" Espainiako Erresuma izango da kasu hauetan:

a) Jarduera ekonomikoaren egoitza zergaren aplikazio lurraldean daukaten enpresaburu edo profesionalen kasuan eta, jarduera ekonomikoaren egoitza Europar Batasuneko lurraldean ez badaukate ere, zergaren aplikazio lurraldean establezimendu iraunkorren bat daukatenean.

b) Enpresaburuaren edo profesionalaren jarduera ekonomikoaren egoitza Europar Batasuneko lurraldean ez badago eta, zergaren aplikazio lurraldean eta Batasuneko beste estatu batean establezimendu iraunkor bat baino edukita, Espainia hautatzen badu identifikazio estatua izateko.

c) Enpresaburuaren edo profesionalaren jardueraren egoitza Batasunean ez badago eta ez badauka bertan establezimendu iraunkorrik eta, horrez gainera, ondasunaren bidalketa edo garraioa zergaren aplikazio lurraldearen barruan gertatzen bada edo, Batasuneko zenbait estatutan hasten bada, Espainia hautatu badu araubide berezi hau aplikatzeko.

**163 duovicies artikulua. Betebehar formalak**

Bat. Espainia bada Batasuneko identifikazio estatua, araubide berezi honetako eragiketaren bat egiten duten enpresaburuek eta profesionalak honako betebehar hauek edukiko dituzte:

a) Arau honetako 164. Bat.2 artikuluan aipatzen den identifikazio fiskaleko zenbakia eduki behar dute.

b) Araubide berezian dauden eragiketak noiz hasten, aldatzen edo amaitzen diren adierazi behar dute. Adierazpena baliabide elektronikoen bitartez aurkeztu behar da.

c) Balio erantsiaren gaineko zergaren autolikidazio bat aurkeztu behar dute egutegiko hiru-hileko bakoitzeko, baliabide elektronikoez baliatuz, araubide bereziko eragiketarik egin duten edo ez kontuan eduki gabe. Hil bateko autolikidazioa hurrengo hilean aurkeztu behar da.

Autolikidazioan Zerga Administrazioak enpresaburuari edo profesionalari esleitutako identifikazio fiskaleko zenbakia (aurreko a) letran ezartzen dena) agertu behar da, eta horrez gainera honako datu hauek ere bai, zerga sortu den Batasuneko kontsumo estatu bakoitzeko banakatuta: autolikidazioaren aldiaren araubidearen barruan kargatutako eragiketen guztirako balioa (balio erantsiaren gaineko zerga zenbatu gabe); Batasuneko estatu bakoitzeko guztirako zerga (karga tasen arabera banakatuta); aurreko guztien batura, hots, Espainian sartu beharreko kopurua.

Ondasunak Espainia ez Batasuneko beste estatu batetik bidaltzen edo garraiatzen badira, autolikidazioan honako datuak ere agertu behar dira araubide hau aplikatzen zaien ondasun emate hauei buruz, bidalketa edo garraioa hasi den Batasuneko estatuaren arabera: dena delako aldiaren egindako eragiketen guztirako balioa, balio erantsiaren gaineko zerga zenbatu gabe; zergaren guztirako zenbatekoa, tasen arabera banakatuta; aurreko guztien batura:

a') Batasunaren barruko urruneko ondasun-salmentak, arau honetako 8 bis.b) artikuluan edo kasuan kasuko Batasuneko estatuko legeriako arau baliokidean ezartzen denaren arabera egindakoak ez beste guztiak.

b') Enpresaburuek eta profesionalak arau honetako 8 bis.b) artikuluan edo kasuan kasuko Batasuneko estatuko legeriako arau baliokidean ezartzen denaren arabera egindako Batasunaren barruko urruneko ondasun salmentak eta ondasun emateak, ondasunaren bidalketa edo garraioa Batasuneko estatu berean hasten eta amaitzen bada.

a') letran aipatzen diren ondasun emateei dagokienez, autolikidazioan honako bi zenbakietako bat ere agertu behar da: balio erantsiaren gaineko zergaren ondorioetarako banakako identifikazio zenbakia edo ondasuna bidali edo garraiatu diren Batasuneko estatu bakoitzak esleitutako identifikazio fiskaleko zenbakia.

b') letran aipatzen diren ondasun emateei dagokienez, autolikidazioan honako bi zenbakietako bat ere agertu behar da: balio erantsiaren gaineko zergaren ondorioetarako banakako identifikazio zenbakia edo ondasuna bidali edo garraiatu diren Batasuneko estatu bakoitzak esleitutako identifikazio fiskaleko zenbakia, edukiz gero.

c) letran aipatzen den informazioa Batasuneko kontsumo estatuen arabera banakatuta agertu behar da autolikidazioan.

Enpresaburu edo profesional batek establezimendu iraunkorren bat badauka Espainia ez Batasuneko beste estatu batzuetan eta haietatik egiten baditu araubide berezi honetako zerbitzuak, autolikidazioetan establezimendu iraunkorra daukan Batasuneko estatu bakoitzean egindako zerbitzu guztien guztirako zenbatekoa zehaztu behar du, eta horrekin batera balio erantsiaren gaineko zergaren ondorioetarako banakako identifikazio zenbakia edo establezimendua dagoen estatuak esleitutako identifikazio fiskaleko zenbakia, eta kontsumo estatuaren arabera banakatuta.

Baldin eta eragiketen kontraprestazioaren zenbatekoa euroa ez beste moneta batean finkatu bada, eurotara bihurtu behar da autolikidazioaren aldiko azken egunean indarrean egon den truke tasa baliaduna aplikatuz. Trukerako Europako Banku Zentralak egun horretan argitaratutako truke tasak aplikatuko dira, edo hurrengo egunekoak, egun horretan bertan argitaratu ez baditu.



Aurkeztutako autolikidazio bateko kopururen bat aldatu behar izanez gero, lehenengo autolikidazioa aurkeztu behar izan den egunetik hiru urte pasatu baino lehen egin behar da. Aldaketa aldizkako autolikidazio batean egin behar da erregelamenduz ezartzen denarekin bat etorritz.

d) Autolikidazio bakoitzari dagokion zenbatekoa sartu behar dute. Dirua sartzean autolikidazioaren erreferentzia zehatza agertu behar da. Zenbatekoa eurotan sartu behar da Zerga Administrazioak hautatzen duen banku kontuan, autolikidazioa aurkezteko epealdiaren barruan.

e) Araubide berezian egiten diren eragiketen erregistroa eduki behar dute. Erregistroa zehatza izan behar da, hain zuzen ere Batasuneko kontsumo estatuko zerga administrazioak aurreko c) letran aipatzen den aitortpena zuzen dagoen egiaztatzeko behar bezain zehatza.

Erregistro hori Batasuneko identifikazio estatuaren zein kontsumo estatuaren eskura jarri behar da, Kontseiluaren 2010eko urriaren 7ko 904/2010 (EB) Erregelamenduaren 47 decies artikularekin bat etorritz (administrazio lankidetzari eta iruzurraren aurkako borrokari buruzkoa, balio erantsiaren gaineko zergaren eremuan).

Enpresaburuek eta profesionalek hamar urtean gorde behar dute erregistroa eragiketa egiten den urtetik aurrera.

f) Faktura egin behar dute, erregelamenduz ezartzen denarekin bat etorritz, eta bidali egin behar dute.

Bi. Espainiako Erresuma Batasuneko identifikazio estatutzat hautatzen duten enpresaburuek eta profesionalek Espainian bakarrik aurkeztu beharko dituzte autolikidazioak eta, behar denean, bertan bakarrik ordaindu behar dute araubide berezi honen barruan kontsumo estatu guztietan egindako eragiketa guztiei dagokien zergaren zenbatekoa.

### **163 tercieies artikulua. Jasandako kuotak kentzeko eskubidea**

Bat. Enpresaburu edo profesional batek araubide berezi hau hautatzen badu, arau honetako 163. duovicies. Bat.c) artikuluko autolikidazioan ezin izango du kenkaririk aplikatu araubide honetan aipatzen diren eragiketak egiteko asmoarekin eskuratzen edo inportatzen dituen ondasunek eta zerbitzuek aplikatu beharreko erregelen arabera jasaten dituzten kuotak direla eta.

Aurrekoa gorabehera, araubide berezi honi heldutako enpresaburuek eta profesionalek araubide berezi honetan egindako eragiketetatik Batasuneko kontsumo estatuan egintzat jotzen diren eragiketak egiteko diren ondasunak eta zerbitzuak eskuratzean edo inportatzean jasandako balio erantsiaren gaineko zergaren kuotak itzultzeko eskubidea edukiko dute, Batasuneko kontsumo estatuko arautegian ezarritako prozedurarekin bat etorritz (Kontseiluaren 1986ko azaroaren 17ko 86/560/CEE Zuzentarauak xedatzen duena garatzeko, 2006ko azaroaren 28ko 2006/112/CE Zuzentarauak 368. artikuluan ezartzen duenaren arabera, edo Kontseiluaren 2008ko otsailaren 12ko 2008/9CE Zuzentaraua, 2006ko azaroaren 28ko 2006/112/CE Zuzentarauaren 369 undecies artikulua ezartzen duenaren arabera). Zergaren aplikazio lurraldean ezarrita dauden enpresaburuek eta profesionalek arau honetako 117 bis artikuluan ezartzen den prozedurari jarraituko diote jasandako kuotak (zergaren aplikazio lurraldekoak ez beste guztiak) itzultzeko eskatzeko.

Bi. Batasuneko kontsumo estatua Espainiako Erresuma izanez gero, arau honetako 119. Bi.2 artikuluan xedatzen dena gorabehera, araubide berezi honi heltzen dioten enpresaburuek eta profesionalek eskubidea edukiko dute balio erantsiaren gaineko zergaren kargatik araubide berezi honetan aipatzen diren eragiketak egiteko asmoarekin egiten dituzten ondasun eta zerbitzuen eskuraketek eta inportazioek, zergaren aplikazio lurraldean egintzat jotzen direnek, jasaten dituzten kuotak itzultzeko.

Egoitza Batasuneko beste estatu batean duten enpresaburuek eta profesionalek arau honetako 119. artikuluan arautzen den prozedurarekin bat etorritz erabili behar dute eskubide hau.

Egoitza Batasunean ez duten enpresaburuek eta profesionalek arau honetako 119 bis artikuluan arautzen den prozedurarekin bat etorritz erabili behar dute eskubide hau.



Horretarako ez da beharrezkoa izango zergaren aplikazio lurraldean establezimendua daukan enpresaburu eta profesionalen aldeko elkarrekikotasuna onartuta egotea. Artikulu honetan xedatzen denari heltzen dioten enpresaburuek eta profesionalak ez dute edukiko zertan izendatu ordezkariarik honen ondorioetarako Zerga Administrazioarekin jarduteko.

Kanariar uharteetan, Ceutan edo Melillan establezimendua daukaten enpresaburuek eta profesionalak arau honetako 119. artikuluan ezartzen den prozedurari jarraituko diote balio erantsiaren gaineko zergaren kuotak, apartatu honetan aipatzen direnak, itzultzeko eskubidea baliatzeko.

Batasuneko identifikazio estatua Espainiako Erresuma bada, egoitza zergaren aplikazio lurraldean duten enpresaburuek eta profesionalak eskubidea edukiko dute araubide honi heldutako eragiketarako egiteko erabilitako ondasunak eta zerbitzuak eskuratzean edo inportatzean jasandako balio erantsiaren gaineko zergaren kuotak kentzeko zergaren araubide orokorrarekin bat etorriz.

Hiru. Araubide berezi honi heldutako enpresaburuek eta profesionalak zergaren aplikazio lurraldean araubide bereziko eragiketez gainera egiten dituzten eragiketa batzuek lurralde horretan erregistratu eta autolikidazioak egin beharra eragiten badute, honako kuota hauek kendu beharko dituzte zergaren aplikazio lurraldean aurkeztu beharreko autolikidazioen bidez: araubide berezi honetako eragiketarako egiteko erabiltzeko ondasunen edo zerbitzuen eskuraketak edo inportazioek, lurralde horretan egintzat jotzen direnek, jasandako kuotak.

#### **163 quatercicies artikulua. Egoitza zergaren aplikazio lurraldean duten enpresaburuek eta profesionalak bertan egindako zerbitzuak**

Atal honetan ezartzen den araubide berezia ez zaie aplikatuko zergaren aplikazio lurraldean jarduera ekonomikoaren egoitza edo establezimendu iraunkorra duten enpresaburuek eta profesionalak lurralde horretan egiten dituzten zerbitzuei. Zerbitzugintza horiei zergaren araubide orokorra aplikatuko zaie."

Hogeita bi. IX. tituluko XI. kapituluari beste atal bat gehitzen zaio, laugarrena; hona testua:

"4. atala. Inportazioaren araubidea. Hirugarren herrialde edo lurraldeetatik inportatzen diren ondasunen urruneko salmentei aplikatuko zaien araubide berezia.

#### **163 quincicies artikulua. Aplikazio eremua**

Bat. Atal honetan arautzen den araubide bereziari heldu diezaiokete hirugarren herrialde edo lurraldeetatik inportatutako ondasunak, balio intrinsekua 150 eurotik gorakoa ez dutenak, zerga berezien kargapean daudenak ez bestea, urrunetik saltzen dituzten enpresaburuek eta profesionalak, baldin eta:

- egoitza Europar Batasunean badute;
- egoitza Batasunean eduki zein ez eduki, egoitza Batasunean daukan bitartekari baten bidez badihardute. Ezin da eduki bitartekari bat baino gehiago aldi berean; edo
- egoitza hirugarren herrialde batean badute, Europar Batasunak herrialde horrekin sinatutako elkarki laguntzeko akordioaren aplikazio esparrua Kontseiluaren 2010/24/UE Zuzentarauaren eta 904/2010 (EB) Erregelamenduaren aplikazio esparruaren antzekoa bada eta herrialde horretako ondasunak urrunetik saltzen badituzte.

Araubide berezi hau enpresaburuek eta profesionalak hirugarren herrialde edo lurraldeetatik inportatzen dituzten ondasunen urruneko salmenta guztiei aplikatuko zaie.

Bi. Atal honetan xedatzen dena betetzeko honako definizio hauek hartu behar dira kontuan:

a) "EBn ezarrita ez dagoen enpresaburua edo profesionala": jarduera ekonomikoaren egoitza Batasunetik kanpo daukan enpresaburua edo profesionala, Batasunaren barruan establezimendu iraunkorrik ez daukana.

b) "Bitartekaria": egoitza Batasunean daukan pertsona, hirugarren herrialde edo lurralde batetik inportatutako ondasunak urrunetik saltzen dituen enpresaburu edo profesional baten izendatzen duena beraren izenean eta beraren kontura bete ditzan araubide berezi honek dakartzan betebeharrak eta formalak eta horren ondoriozko erlazio juridiko-tributarioen titularra dena.

Araubide berezi honetan bitartekari aritzeko baldintzak eta betekizunak erregelamendu bidez ezarriko dira.

c) "Batasuneko identifikazio estatua":

a') Enpresaburuaren edo profesionalaren egoitza ez badago Batasunean, hautatzen duen Batasuneko estatua.

b') Enpresaburuaren edo profesionalaren egoitza ez badago Batasunean baina bertan badauzka zenbait establezimendu iraunkor, establezimendu iraunkorra daukan estatuetatik zerga berezi honi heltzeko hautatzen duena. Batasuneko estatuaren hautapena indarrean egongo da enpresaburuak edo profesionalak ezeztatu arte eta gutxienez hiru urte iraungo du: hautapena egiten den egutegiko urtea eta hurrengo biak.

c') Enpresaburuaren edo profesionalaren jarduera ekonomikoaren egoitza Batasuneko estatu batean badago edo hark daukan establezimendu iraunkor guztiak Batasuneko estatu berean badaude, estatu hori.

d') Bitartekariaren jarduera ekonomikoaren egoitza Batasuneko estatu batean badago, estatu hori.

e') Bitartekariaren egoitza ez badago Batasunean baina bertan badauzka zenbait establezimendu iraunkor, establezimendu iraunkorra daukan estatuetatik zerga berezi honi heltzeko hautatzen duena. Batasuneko estatuaren hautapena indarrean egongo da enpresaburuak edo profesionalak ezeztatu arte eta gutxienez hiru urte iraungo du: hautapena egiten den egutegiko urtea eta hurrengo biak.

d) "Batasuneko kontsumo estatua": Bezeroarentzako ondasunaren bidalketa edo garraioa heltzen den Batasuneko estatua.

Hiru. Atal honetan xedatzen dena betetzeko, "Batasuneko identifikazio estatua" Espainiako Erresuma izango da kasu hauetan:

a) Jarduera ekonomikoaren egoitza zergaren aplikazio lurraldean daukaten enpresaburu edo profesionalen edo bitartekariaren kasuan eta, jarduera ekonomikoaren egoitza Batasuneko lurraldean ez badaukate ere, zergaren aplikazio lurraldean establezimendu iraunkorren bat daukatenean.

b) Enpresaburuaren edo profesionalaren edo bitartekariaren jarduera ekonomikoaren egoitza Batasuneko lurraldean ez badago eta, zergaren aplikazio lurraldean eta Batasuneko beste estatu batean establezimendu iraunkor bat baino edukita, Espainia hautatzen badu identifikazio estatua izateko.

c) Enpresaburuaren edo profesionalaren jardueraren egoitza Batasunean ez badago eta ez badauka bertan establezimendu iraunkorrik eta, horrez gainera, Espainia hautatu badu araubide berezi hau aplikatzeko.

### **163 sexvicies artikulua. Sortzapena**

Araubide berezi honetan egiten diren ondasun emateetan, zergaren sortzapena ondasuna ematen denean gertatuko da eta ematea bezeroak ordainketa onartzen duenean gertatuko da.

**163 septvicies artikulua. Betebehar formalak**

Bat. Batasuneko identifikazio estatua Espainia denean, araubide berezi honi heldutako enpresaburuek eta profesionalak eta beren kontura ari diren bitartekariak honako hauek bete behar dituzte:

a) Arau honetako 164. Bat.2 artikuluan aipatzen den identifikazio fiskaleko zenbakia eduki behar dute.

b) Araubide berezian dauden eragiketak noiz hasten, aldatzen edo amaitzen diren adierazi behar dute. Adierazpena baliabide elektronikoen bitartez aurkeztu behar da.

Araubide berezi honi heldutako enpresaburuek eta profesionalak, bitartekari baten bidez ari ez direnek, datu hauek eman beharko dituzte zergapeko jarduera bati ekingo diotela jakinarazten dutenean: izen-abizenak, posta helbidea, helbide elektronikoa, jarduerarako erabiliko dituen interneteko guneen helbideak eta balio erantsiaren gaineko zergaren ondorioetarako identifikazio zenbakia edo identifikazio fiskaleko zenbakia.

Bitartekariak datu hauek eman beharko dizkiote Zerga Administrazioari zergapeko jarduera bati ekingo diotela jakinarazten dutenean: izen-abizenak, posta helbidea, helbide elektronikoa, jarduerarako erabiliko dituen interneteko guneen helbideak eta balio erantsiaren gaineko zergaren ondorioetarako identifikazio zenbakia.

Gainera, bitartekariak honako datu hauek eman beharko dizkiote Zerga Administrazioari zergapeko jarduera bati ekingo diotela jakinarazten dutenean bitartekari lanak egiten dizkioten enpresaburu eta profesional bakoitzari buruz: izen-abizenak, posta helbidea, helbide elektronikoa, jarduerarako erabiliko dituen interneteko guneen helbideak eta balio erantsiaren gaineko zergaren ondorioetarako identifikazio zenbakia edo identifikazio fiskaleko zenbakia. Gainera, araubide berezi honen ondorioetarako Batasuneko identifikazio estatuak esleitutako identifikazio fiskaleko zenbakia ere eman beharko dute.

Araubide berezi honi heltzen dioten enpresaburuek eta profesionalak informazio horretan gertatzen diren aldaketa guztien berri eman beharko dute, eta beren bitartekariak ere bai.

Zerga Administrazioak identifikazio zenbaki bat emango die enpresaburu eta profesionalak araubide honen ondorioetarako. Bitartekari baten bidez jardunez gero, horrek ere identifikazio zenbakia edukiko du araubide honen ondorioetarako.

Identifikazio zenbaki horiek araubide berezi honetarako baino ez dira erabiliko eta nahitaez aurkeztu beharko dira arau honetako 66.4 artikuluan arautzen den salbuespena aplikatzeko.

Zerga Administrazioak baliabide elektronikoen bidez jakinaraziko die araubide berezi honi heldutako enpresaburuei eta profesionalak edo haien bitartekariak esleitu zaien identifikazio zenbakia.

c) Balio erantsiaren gaineko zergaren autolikidazio bat aurkeztu behar dute egutegiko hil bakoitzeko, baliabide elektronikoen baliatuz, araubide bereziko eragiketarik egin duten edo ez kontuan eduki gabe. Hil bateko autolikidazioa hurrengo hilean aurkeztu behar da.

Autolikidazioan Zerga Administrazioak araubide berezi honen ondorioetarako esleitutako identifikazio fiskaleko zenbakia agertu behar da, eta horrez gainera honako datu hauek ere bai, zerga sortu den Batasuneko kontsumo estatu bakoitzeko banakatuta: autolikidazioaren aldian araubidearen barruan kargatutako eragiketen guztirako balioa (balio erantsiaren gaineko zerga zenbatu gabe); Batasuneko estatu bakoitzeko guztirako zerga (karga tasen arabera banakatuta); aurreko guztien batura, hots, Espainian sartu beharreko kopurua.

Baldin eta eragiketen kontraprestazioaren zenbatekoa euroa ez beste moneta batean finkatu bada, eurotara bihurtu behar da autolikidazioaren aldiko azken egunean indarrean egon den truke tasa balioduna aplikatuz. Trukerako Europako Banku Zentralak egun horretan argitaratutako truke tasak aplikatuko dira, edo hurrengo egunekoak, egun horretan bertan argitaratu ez baditu.

Aurkeztutako autolikidazio bateko kopururen bat aldatu behar izanez gero, lehenengo autolikidazioa aurkeztu behar izan den egunetik hiru urte pasatu baino lehen egin behar da. Aldaketa aldizkako autolikidazio batean egin behar da erregelamenduz ezartzen denarekin bat etorritz.

d) Autolikidazio bakoitzari dagokion zenbatekoa sartu behar dute. Dirua sartzean autolikidazioaren erreferentzia zehatza agertu behar da. Zenbatekoa eurotan sartu behar da Zerga Administrazioak hautatzen duen banku kontuan, autolikidazioa aurkezteko epealdiaren barruan.

e) Araubide berezian egiten diren eragiketen erregistroa eduki behar dute. Erregistroa zehatza izan behar da, hain zuzen ere Batasuneko kontsumo estatuko zerga administrazioak aurreko c) letran aipatzen den autolikidazioa zuzen dagoen egiaztatzeko behar bezain zehatza.

Erregistro hori Batasuneko identifikazio estatuaren zein kontsumo estatuaren eskura jarri behar da, Kontseiluaren 2010eko urriaren 7ko 904/2010 (EB) Erregelamenduaren 47 decies artikularekin bat etorritz (administrazio lankidetzari eta iruzurraren aurkako borrokari buruzkoa, balio erantsiaren gaineko zergaren eremuan).

Enpresaburuek eta profesionalek hamar urtean gorde behar dute erregistroa eragiketa egiten den urtetik aurrera.

f) Faktura egin behar dute, erregelamenduz ezartzen denarekin bat etorritz, eta bidali egin behar dute.

Bi. Espainia Batasuneko identifikazio estatutzat hautatzen duten enpresaburuek eta profesionalek Espainian bakarrik aurkeztu beharko dituzte autolikidazioak eta, behar denean, bertan bakarrik ordaindu behar dute araubide berezi honen barruan kontsumo estatu kide guztietan egindako eragiketa guztiei dagokien zergaren zenbatekoa.

### **163 octovicies artikulua. Jasandako kuotak kentzeko eskubidea**

Bat. Enpresaburu edo profesional batek araubide berezi hau hautatzen badu, arau honetako 163.septevicies. Bat.c) artikuluko autolikidazioan ezin izango du kenkaririk aplikatu araubide honetan aipatzen diren eragiketak egiteko asmoarekin eskuratzen edo inportatzen dituen ondasunek eta zerbitzuek aplikatu beharreko erregelen arabera jasaten dituzten kuotak direla eta.

Aurrekoa gorabehera, araubide berezi honi heldutako enpresaburuek eta profesionalek araubide berezi honetan egindako eragiketetatik Batasuneko kontsumo estatuan egintzat jotzen diren eragiketak egiteko diren ondasunak eta zerbitzuak eskuratzean edo inportatzean jasandako balio erantsiaren gaineko zergaren kuotak itzultzeko eskubidea edukiko dute, Batasuneko kontsumo estatuko arautegian ezarritako prozedurarekin bat etorritz (Kontseiluaren 1986ko azaroaren 17ko 86/560/CEE Zuzentarauak edo Kontseiluaren 2008ko otsailaren 12ko 2008/9/CE Zuzentarauak xedatzen duena garatzeko, 2006ko azaroaren 28ko 2006/112/CE Zuzentarauak 369 quatervicies artikuluan ezartzen duenaren arabera). Establezimendua Kanariar uharteetan, Ceutan edo Melillan duten enpresaburuek eta profesionalek arau honetako 117 bis artikuluan ezartzen den prozedurari jarraituko diote jasandako kuotak (zergaren aplikazio lurraldekoak ez beste guztiak) itzultzeko eskatzeko.

Bi. Batasuneko kontsumo estatua Espainiako Erresuma izanez gero, arau honetako 119. Bi.2 artikuluan xedatzen dena gorabehera, araubide berezi honi heltzen dioten enpresaburuek eta profesionalek eskubidea edukiko dute balio erantsiaren gaineko zergaren kargatik araubide berezi honetan aipatzen diren eragiketak egiteko asmoarekin egiten dituzten ondasun eta zerbitzuen eskuraketek eta inportazioek, zergaren aplikazio lurraldean egintzat jotzen direnek, jasaten dituzten kuotak itzultzeko.

Egoitza Batasuneko beste estatu batean duten enpresaburuek eta profesionalek arau honetako 119. artikuluan arautzen den prozedurarekin bat etorritz erabili behar dute eskubide hau.

Egoitza Batasunean ez duten enpresaburuek eta profesionalek arau honetako 119 bis artikuluan arautzen den prozedurarekin bat etorritz erabili behar dute eskubide hau.

Horretarako ez da beharrezkoa izango zergaren aplikazio lurraldean establezimendua daukan enpresaburu eta profesionalen aldeko elkarrekotasuna onartuta egotea. Artikulu honetan xedatzen denari heltzen dioten enpresaburuek eta profesionalak ez dute edukiko zertan izendatu ordezkariarik honen ondorioetarako Zerga Administrazioarekin jarduteko.

Kanariar uharteetan, Ceutan edo Melillan establezimendua daukaten enpresaburuek eta profesionalak arau honetako 119. artikuluan ezartzen den prozedurari jarraituko diote balio erantsiaren gaineko zergaren kuotak, apartatu honetan aipatzen direnak, itzultzeko eskubidea baliatzeko.

Batasuneko identifikazio estatua Espainiako Erresuma bada, egoitza zergaren aplikazio lurraldean duten enpresaburuek eta profesionalak eskubidea edukiko dute araubide honi heldutako eragiketarako egiteko erabilitako ondasunak eta zerbitzuak eskuratzean edo inportatzean jasandako balio erantsiaren gaineko zergaren kuotak kentzeko zergaren araubide orokorrarekin bat etorriz.

Hiru. Araubide berezi honi heldutako enpresaburuek eta profesionalak zergaren aplikazio lurraldean araubide bereziko eragiketez gainera egiten dituzten eragiketa batzuek lurralde horretan erregistratu eta autolikidazioak egin beharra eragiten badute, honako kuota hauek kendu beharko dituzte zergaren aplikazio lurraldean aurkeztu beharreko autolikidazioen bidez: araubide berezi honetako eragiketarako egiteko erabiltzeko ondasunen edo zerbitzuen eskuraketak edo inportazioek, lurralde horretan egintzat jotzen direnek, jasandako kuotak.”

Hogeita hiru. 166 bis artikulua berria gehitzen da X. tituluan; hona testua:

**“166 bis artikulua. Eragiketen erregistroa**

Bat. Baldin eta enpresaburu edo profesional batek, hala diharduela, ez enpresaburu ez profesional ez diren pertsonen ondasunak ematea edo zerbitzuak egitea bideratzen badu interfaze digital baten bidez (lineako merkatua, plataforma, ataria edo antzekoren bat) eta ez bada ondasun emate eta zerbitzugintza horien subjektu pasiboa, eragiketa horien erregistroa eduki beharko du.

Erregistroaren edukia Kontseiluaren 2011ko martxoaren 15eko 282/2011 (EB) Erregelamenduaren 54 quater.2 artikuluan xedatzen denaren arabera izan behar da (erregelamendu horretan Batasuneko balio erantsiaren gaineko zergaren sistemari buruzko 2006/112/CE Zuzentarauaren xedapenak ezartzen dira). Batasuneko estatuak eskura eduki beharko dute modu elektronikoa; horretarako, eskaera egin beharko dute.

Erregistroa hamar urtez gorde beharko da eragiketa egiten den urtea amaitu ondoren.

Bi. Baldin eta enpresaburu edo profesional batek, hala diharduela, interfaze digital baten bidez (lineako merkatua, plataforma, ataria edo antzekoren bat) ondasun emateak bideratzen baditu arau honetako 8 bis artikuluan ezartzen den bezala edo parte hartzen badu zerbitzu bat baliabide elektronikoen bidez egiteko prozesuan, bere izenean diharduela 282/2011 (EB) Erregelamenduaren 9 bis artikuluan arabera, honako erregistro hauek eduki beharko ditu:

a) Enpresaburua edo profesionala arau honen IX. tituluan XI. kapituluaren ezartzen diren araubide berezietako batean badago, 282/2011 (EB) Erregelamenduak 63 quater artikuluan ezartzen dituen erregistroak.

b) Enpresaburua edo profesionala arau honen IX. tituluan XI. kapituluaren ezartzen diren araubide berezietako batean ez badago, arau honen 164. Bat.4 artikuluan ezartzen diren erregistroak”

Hogeita lau. 167. artikuluko bigarren apartatua aldatzen da eta honela geratzen da:

“Bi. Ondasun inportazioen gaineko zergaren likidazioa egiteko aduana legerian arantzel eskubideez ezartzen dena aplikatuko da edo, bestela, arau honen 167 bis artikuluan arautzen dena.

Erregelamenduz ezarriko da nola bildu eta sartu behar diren zergaren kuotak. Horrez gainera arautegian ezarri ahal izango da zer bete behar duten subjektu pasiboek kuota horiek Administrazioak egindako likidazio agiria jasotzen duten aldiko autolikidazioan sartu ahal izateko.”

Hogeita bost. 167 bis artikulua aldatzen da eta honela geratzen da:

**“167 bis artikulua. Inportazioen balio erantsiaren gaineko zergaren aitortpena egiteko eta horren karga ordaintzeko modalitate berezia**

Bat. Arau honen IX. tituluaren XI. kapituluaren 4. ataleko eragiketak egiten dituzten enpresaburuek eta profesionalek ez badute hautatzen atal honetan ezartzen den araubide berezia aplikatzea, ondasuna zergaren aplikazio lurraldean inportatzaileen kontura aurkezten duen pertsonak modalitate berezia hautatu ahal izango du inportazioaren balio erantsiaren gaineko zergaren aitortpena egiteko eta horren karga ordaintzeko, honako inguruabar hauek gertatuz gero:

- a) bidalketaren balio intrinsekoa ez izatea 150 euro baino gehiago;
- b) ondasuna ez egotea zerga berezi baten kargapean; eta
- c) ondasunaren bidalketaren edo garraioaren destinoa zergaren aplikazio lurraldean egotea.

Bi. BEZaren aitortpenerako eta ordaintzarako modalitate berezia hautatuz gero, honako xedapen hauek aplikatuko dira:

- a) Inportatutako ondasunaren hartzaileak balio erantsiaren gaineko zerga ordaindu beharko du.
- b) Ondasuna aduanan aurkezten duen pertsonak inportazioarengatik hartzaileak ordaindu beharreko balio erantsiaren gaineko zerga bilduko du eta ordaintzeta egingo du.

Hori dela eta, BEZaren aitortpenerako eta ordaintzarako modalitate berezia aplikatzeko ez da beharko inportatutako ondasunaren hartzailearen berariazko baimena.

Hiru. Arau honen 91. artikuluan xedatzen dena gorabehera, artikulua honetan arautzen den aitortpenerako eta ordaintzarako modalitate berezian egiten diren ondasun inportazioei zergaren tasa orokorra aplikatuko zaie.

Ondasuna aduanan aurkezten duen pertsonak neurri egokiak aplikatu beharko ditu bermatzeko hartzaileak balio erantsiaren gaineko zergak inportazioari ezartzen dion karga ordaintzen duela.

Lau. BEZaren aitortpenerako eta ordaintzarako modalitate berezia erabiltzen duten enpresaburuek eta profesionalek hileko aitortpenak aurkeztu beharko dituzte baliabide elektroniko bidez; aitortpen bakoitzean egutegiko hilean modalitate honetan egindako inportazioek jasandako balio erantsiaren gaineko zergaren kargen guztirako zenbatekoa zehaztu beharko da.

Hori dela eta, inportatutako ondasunaren inportazioarengatik jasaten den balio erantsiaren gaineko zergaren karga bildutzat joko da, honako kasu hauetan izan ezik: ondasuna beste leku batera bidaltzea, suntsitzea edo bertan behera uztea.

Hileko aitortpen bakoitzeko balio erantsiaren gaineko zergaren zenbatekoa inportazioaren ondoko bigarren hilaren 16ra arte ordaindu ahal izango da.

Bost. Enpresaburuek eta profesionalek BEZaren aitortpenerako eta ordaintzarako modalitate bereziaren araberako aurkezten dituzten aitortpenetako eragiketen erregistroa eduki behar dute 4 urtez. Erregelamendu baten bidez ezarriko da nolakoa izan behar den erregistroa.”

Hogeita sei. 167 ter artikulua gehitzen da; hona testua:

**“167 ter artikulua. Behin-behineko likidazioa**

Zergak kudeatzen dituzten organoek behin-behineko likidazioa egin ahal izango dute Arabako Zergei buruzko otsailaren 28ko 6/2005 Foru Arau Orokorrak 97. artikuluan xedatzen duenaren arabera, are hurrengo artikuluetan aipatzen diren kasuetan ere.”

**2. artikulua. COVID-19aren ondorioen kontra egiteko behar diren ondasunen Batasunaren barruko emateek, inportazioek eta eskuraketek jasango duten balio erantsiaren gaineko zergaren karga tasa**

Balio erantsiaren gaineko zergaren ehuneko 0ko tasa aplikatuko zaie, 2021eko maiatzaren 1etik 2021eko abenduaren 31ra arte, zerga premiazko araugintzako dekretu honen eranskinean jasotako Batasunaren barruko ondasunen emateei, inportazioei eta eskuratzeei, hartzaileak izanik zuzenbide publikoko entitateak, klinikak edo ospitaleak edo gizarte izaerako entitate pribatuak; hain zuzen ere, Balio erantsiaren gaineko zergaren urtarrilaren 19ko 12/1993 Araugintzako Foru Dekretuak 20. artikuluko hirugarren apartatuan aipatzen dituenak. Eragiketa horiek eragiketa salbuetsi gisa dokumentatuko dira fakturan.

**AZKEN XEDAPENAK**

Lehenengoa. Europar Batasuneko zuzenbidea jasotzea.

Zerga premiazko araugintzako dekretu honen bidez Arabako Lurralde Historikoko zerga sisteman txertatzen dira honako hauek: batetik, Kontseiluaren 2017ko abenduaren 5eko 2017/2455 (EB) Zuzentaraua, 2006/112/EE Zuzentaraua eta 2009/132/EE Zuzentaraua aldatzen dituen, zerbitzuak emateko eta ondasunak urrutitik saltzeko balio erantsiaren gaineko zergari buruzko zenbait obligaziori dagokienez, 1. artikulua izan ezik (horren transposizioa 2018ko irailaren 11ko 2/2018 Zerga Premiazko Araugintza Dekretuaren bidez egin zen; horren bidez onartu zen Arabako zerga arautegira egokitzea balio erantsiaren gaineko zergan, zerga berezietan, negutegi efektuko gas fluoratuen gaineko zergan eta berandutza interesean egindako aldaketa batzuk); bestetik, Kontseiluaren 2019/1995 (EB) Zuzentaraua, ondoriozkoak ere (honek 2019ko azaroaren 21eko 2006/112/EE Zuzentaraua aldatzen du, ondasunen urrutiko salmentei eta zenbait ondasun emate nazionali buruzko xedapenei dagokienez).

Bigarrena. Indarrean jartzea.

Xedapen orokor hau ALHAOn argitaratu eta hurrengo egunean jarriko da indarrean. Ondorioak, hala ere, 2021eko uztailaren 1etik aurrera sortuko ditu, bertan zehazten diren berariazko ondorioak gorabehera.

Hirugarrena. Gaikuntza.

Arabako Foru Aldundiari baimena ematen zaio xedapen orokor hau garatzeko eta aplikatzeko behar diren xedapen guztiak emateko.

Laugarrena. Batzar Nagusiei jakinaraztea.

Zerga premiazko araugintzako dekretu hau Arabako Batzar Nagusiei aurkeztuko zaie, indarrean dagoen arautegian ezarritakoaren arabera berretsi edo baliogabetu dezaten.

Vitoria-Gasteiz, 2021eko ekainaren 8a

*Diputatu nagusia*

**RAMIRO GONZÁLEZ VICENTE**

*Ogasun, Finantza eta Aurrekontu Saileko foru diputatua*

**ITZIAR GONZALO DE ZUAZO**

*Ogasun zuzendaria*

**MARÍA JOSÉ PEREA URTEAGA**



## ERANSKINA

	Produktuaren izena	Ondasunaren/Produktuaren deskribapena	NC Kodea
1	Produktu sanitarioak	Zainketa intentsibo eta azpintentsiboetarako arnagailuak	ex 9019 20 00
		Haizagailuak (arnasketa artifizialerako aparatuak) Fluxu zatigailuak	ex 9019 20 00 ex 9019 20
		Oxigenoterapiako beste aparatu batzuk, oxigeno dendak barne	ex 9019 20 00
		Gorputzez kanpoko mintzaren bidezko oxigenazioa	ex 9019 20 00
2	Monitoreak	Parametro anitzeko monitoreak, bertsio eramangarriak barne	ex 8528 52 91
			ex 8528 52 99
			ex 8528 59 00 ex 8528 52 10
3	Ponpak	– Kanpoko nutriziorako ponpa peristaltikoak – Medikamentuen infusio ponpak – Xurgatze ponpak	ex 9018 90 50
			ex 9018 90 84
			ex 8413 81 00
		Xurgatze zundak	ex 9018 90 50
4	Hodiak	Hodi endotrakealak	ex 9018 90 60
			ex 9019 20 00
		Hodi esterilak	ex 3917 21 10 ex 3917 39 00
5	Kaskoak	Aireztapen mekaniko ez-inbaditzaileko CPAP/NIV kaskoak	ex 9019 20 00
6	Aireztapen ez-inbaditzaileko maskarak (NIV)	Aurpegi osoko maskarak eta aireztapen ez-inbaditzaileko oronasalak	ex 9019 20 00
7	Xurgatze sistemak/makinak	Xurgatze sistemak	ex 9019 20 00
		Xurgatze elektrikoko makinak	ex 9019 20 00 ex 8543 70 90
8	Hezegailuak	Hezegailuak	ex 8415
			ex 8509 80 00
			ex 8479 89 97
9	Laringoskopioak	Laringoskopioak	ex 9018 90 20

	Produktuaren izena	Ondasunaren/Produktuaren deskribapena	NC Kodea
10	Hornidura mediko suntsikorrak	– Intubazio kitak – Guraize laparoskopikoak	ex 9018 90
		Xiringak, orratzarekin edo orratzik gabe	ex 9018 31
		Orratz metaliko tubularrak eta sutuaretarako orratzak	ex 9018 32
		Orratzak, kateterrak, kanulak	ex 9018 39
		Sarbide baskularreko kitak	ex 9018 90 84
11	Monitorizazio estazioak Pazienteak monitorizatzeko aparatuak – Elektrodiagnostikoko aparatuak	Zainketa intentsiboetarako monitorizazioko estazio zentralak Pultsu oximetroak	ex 9018 90 ex 9018 19
		– Pazienteak monitorizatzeko gailuak – Elektrodiagnostikoko aparatuak	ex 9018 19 10 ex 9018 19 90
12	Ultrasoinu eskaner eramangarria	Ultrasoinu eskaner eramangarria	ex 9018 12 00
13	Elektrokardiografoak	Elektrokardiografoak	ex 9018 11 00
14	Ordenagailu bidezko tomografia sistemak/eskanerrak	Ordenagailu bidezko tomografia sistemak	ex 9022 12, ex 9022 14 00
15	Maskarak ex 6307 90 98	– Ehunezko aurpegi maskarak, iragazki ordezkagarriak eta pieza mekanikorekin gabeak, barnean direla ehuna ez den ehun materialarekin egindako maskara kirurgikoak eta erabili eta botatzeko aurpegi maskarak. – FFP2 eta FFP3 aurpegi maskarak	ex 6307 90 10 ex 6307 90 98
		Paperezko maskara kirurgikoak	ex 4818 90 10 ex 4818 90 90
		Pieza mekanikoak edo iragazki ordezkagarriak dituzten gas maskarak agente biologikoen aurka babesteko. Begien babesa edo aurpegiaren babesak dituzten maskarak ere baditu.	ex 9020 00 00
16	Eskularruak	Plastikozko eskularruak	ex 3926 20 00
		Gomazko eskularru kirurgikoak	4015 11 00
		Beste gomazko eskularru batzuk	ex 4015 19 00
		Plastikoz edo gomaz inpregnatutako edo estalitako galtzeta eskularruak	ex 6116 10
		Galtzetaz bestelako ehunezko eskularruak	ex 6216 00

	Produktuaren izena	Ondasunaren/Produktuaren deskribapena	NC Kodea
17	Aurpegi babesak	– Erabili eta botatzeko eta berrerabiltzeko diren aurpegi babesgailuak – Plastikozko aurpegi babesgailuak (begiak baino gehiago babesten dutenak)	ex 3926 20 00 ex 3926 90 97
18	Betaurrekoak	Babes gaga handiak eta txikiak (googleak)	ex 9004 90 10 ex 9004 90 90
19	Lan jantziak Mantal iragazgaitzak –hainbat mota, hainbat tamaina-. Erabilera kirurgiko/medikorako feltrozko edo ehundu gabeko oihalezko babes jantziak, baita inpregnatuak, estaliak, gaineztatuak edo ijertzatuak ere (56.02 edo 56.03 partidetako ehunak).	Goma bulkanizatuzko erabilera anitzeko arropa (eskularruak, mitoiak eta eskuzorroak barne)	ex 4015 90 00
		Jantzeko arropak	ex 3926 20 00
		Arropa eta osagarriak	ex 4818 50 00
		5903, 5906 edo 5907 partidetako puntuzko ehunarekin eginiko jantzeko arropak	ex 6113 00 10 ex 6113 00 90
		Galtzeta ehunarekin eginiko beste arropa batzuk	6114
		Erabilera kirurgiko/medikorako feltroz edo ehundu gabeko oihalez eginiko jantzeko arropak, inpregnatuak zein inpregnatu gabeak, estaliak, gaineztatuak edo ijertzatuak (56.02 edo 56.03 partidetako ehunak). Barnean sartzen dira ehundu gabeko materialez eginiko jantziak («spun-bonded»)	ex 6210 10
		Babesteko beste jantzi batzuk, ehun kautxutatu edo inpregnatuekin, estaliekin, gaineztatuekin edo ijertzuekin eginak (59.03, 59.06 edo 59.07 partidetako ehunak)	ex 6210 20 ex 6210 30 ex 6210 40 ex 6210 50
			ex 3926 90 97 ex 4818 90 ex 6307 90 98
20	Oinetakoen estalkiak/babesak	Oinetakoen estalkiak/babesak	ex 3926 90 97 ex 4818 90 ex 6307 90 98
21	Txapelak	Mokodun txapelak	ex 6505 00 30
		Txapelak eta burua babesteko beste gailu batzuk eta edozein materialez eginiko sare ehunak	ex 6505 00 90
		Gainerako txapelak eta burua babesteko gailuak, forratuak/estutuak ala ez.	ex 6506

	Produktuaren izena	Ondasunaren/Produktuaren deskribapena	NC Kodea
22	Termometroak	Zuzeneko irakurketarako likidozko termometroak	ex 9025 11 20
		Termometro digitalak edo termometro infragorriak bekokian neurtzeko.	ex 9025 19 00
23	Eskuak garbitzeko xaboa	Xaboa eta produktu organiko tentsioaktiboak eta eskuak garbitzeko prestakinak (apain-mahaiko xaboa)	ex 3401 11 00 ex 3401 19 00
		Xaboa eta produktu organiko tentsioaktiboak. Xaboa beste era batzuetan.	ex 3401 20 10 ex 3401 20 90
		Agente organiko tentsioaktiboak (xaboa ez direnak) – Kationikoak	ex 3402 12
		Azala garbitzeko produktu eta prestakin organiko tentsioaktiboak, likidoan edo kreman, txikizka saltzeko prestatuak, xaboa izan ala ez.	ex 3401 30 00
24	Horman instala daitezkeen eskuetarako desinfektatzaile banagailuak	Horman instala daitezkeen eskuetarako desinfektatzaile banagailuak	ex 8479 89 97
25	Soluzio hidroalkoholikoa litrotan	2207 10: desnaturalizatu gabe, % 80ko edo gehiagoko alkohol etilikoaren bolumenarekin.	ex 2207 10 00
		2207 20: desnaturalizatu, edozein kontzentraziokoa	ex 2207 20 00
		2208 90: desnaturalizatu gabe, % 80 baino gutxiagoko alkohol etilikoaren bolumenarekin.	ex 2208 90 91 ex 2208 90 99
26	Hidrogeno peroxidoa % 3an, litrotan Hidrogeno peroxidoa prestakin desinfektatzaileetara erantsia, gainazalak garbitzeko	Hidrogeno peroxidoa, urearekin solidotua ala ez	ex 2847 00 00
		Hidrogeno peroxidoa ontziratu gabe	
		Eskuetarako desinfektatzailea Beste prestakin desinfektatzaile batzuk	ex 3808 94
27	Larrialdietako garraio gailuak	Pertsona desgaituak garraiatzea (gurpildun aulkiak)	ex 8713
		Pazienteak ospitale edo klinika barruan garraiatzeko esku oheak eta orgatxoak	ex 9402 90 00
28	ARN erauzgailuak	ARN erauzgailuak	9027 80

	Produktuaren izena	Ondasunaren/Produktuaren deskribapena	NC Kodea
29	COVID-19rako proba kitak / proba diagnostikoetan erabiltzen diren tresnak eta aparatuek	– Koronabirusaren proba diagnostikorako kitak – Erreakzio immunologikoetan oinarritutako diagnostiko erreaktiboak – Isipu ekipoa eta garraibide birala.	ex 3002 13 00 ex 3002 14 00 ex 3002 15 00 ex 3002 90 90 ex 3821 00
		Polimerasaren kate erreakzioan oinarritutako diagnostiko erreaktiboak (PCR) azido nukleikoaren proba.	ex 3822 00 00
		Laborategi klinikoetan, in vitro diagnostikorako erabilitako tresnak	ex 9027 80 80
		Laginetarako kitak	ex 9018 90 ex 9027 80
30	Isipuek	Guata, gasa, bendak, kotoi zotzak eta antzeko gaiak	ex 3005 90 10 ex 3005 90 99
31	Kanpaina ospitaleak instalatzeko materiala	Ospitaleko oheak	ex 9402 90 00
		Karpak/kanpin dendak	ex 6306 22 00 ex 6306 29 00
		Karpak/plastikozko kanpin dendak	ex 3926 90 97
32	Botikak	– Remdesivir – Dexametasona	ex 2934 99 90 ex 2937 22 00 ex 3003 39 00 ex 3003 90 00 ex 3004 32 00 ex 3004 90 00
33	Esterilizatzaile medikoak, kirurgikoak edo laborategikoak	Esterilizatzaile medikoak, kirurgikoak edo laborategikoak	ex 8419 20 00 ex 8419 90 15
34	1- propanola (alkohol propiliko) eta 2- propanola (alkohol isopropiliko)	1- propanola (alkohol propiliko) eta 2- propanola (alkohol isopropiliko)	ex 2905 12 00
35	Eterrak, eter-alkoholak, eter fenolak, eter-alkohol-fenolak, alkohol peroxidoak, beste peroxido batzuk, zetona peroxidoak	Eterrak, eter-alkoholak, eter fenolak, eter-alkohol-fenolak, alkohol peroxidoak, beste peroxido batzuk, zetona peroxidoak	ex 2909
36	Azido formikoa	Azido formikoa (eta gatz deribatuak)	ex 2915 11 00 ex 2915 12 00
37	Azido salzilikoa	Azido salzilikoa eta gatz deribatuak	ex 2918 21 00

	Produktuaren izena	Ondasunaren/Produktuaren deskribapena	NC Kodea
38	Erabilera bakarreo oihalak, 5603 partidako ehunekin eginak, prozedura kirurgikoetan erabilitako motakoak	Erabilera bakarreo oihalak, 5603 partidako ehunekin eginak, prozedura kirurgikoetan erabilitako motakoak	6307 90 92
39	Ehundu gabeko oihalak, inpregnatuak, estaliak, gaineztatuak edo ijestuak egon ala ez	Ehundu gabeko oihalak, inpregnatuak, estaliak, gaineztatuak edo ijestuak egon ala ez	ex 5603 11 10 a
			ex 5603 94 90
40	Erabilera kirurgikoko, medikoko edo higienikoko gaiak, txikizka saltzeko ez direnak	Paperezko ohe estalkiak	ex 4818 90
41	Laborategiko beirateria, higienerako edo farmaziarako	Laborategiko beirateria, higienerako edo farmaziarako, kalibratuak zein graduatuak egon ala ez.	ex 7017 10 00
			ex 7017 20 00
			ex 7017 90 00
42	Fluximetroa, 0-15 L/min oxigenoa hornitzeko Thorpe hodi fluxumetroa.	Thorpe hodi fluxumetroak sarrera eta irteerako atakak ditu, erregulatzaila bat, balbula bat eta neurtzeko hodi koniko garden bat. Hainbat gas medikoren iturriekin konektatzeko balio du, hala nola sistema zentralizatu batekin, zilindroekin (bonbonak), kontzentragailuekin edo konpresoreekin. Fluxumetro arruntaren (absolutua, konpentsatu gabea) eta presio konpentsatuaren bertsioak, fluxu maila espezifikotarako egokiak	ex 9026 80 20 ex 9026 80 80 ex 9026 10 21 ex 9026 10 81
43	Arnasketako CO2 detektagailu kolorimetrikoa	Haurren eta helduen hodi endotrakealarekin bateragarria den tamaina Erabilera bakarrekoa.	ex 9027 80
44	X izpien filma edo plakak	Laua, sensibilizatua eta inpresionatu gabea	ex 3701 10 00
		Biribilkitan. Sensibilizatua eta inpresionatu gabea	ex 3702 10 00